

穀梁傳

卷四至卷六



桓公  
莊公

諸暨圖書館  
ZHUJI LIBRARY



諸暨圖書館  
— ZHUJI LIBRARY —

00028

諸暨圖書館藏  
— ZHUJI LIBRARY —



85000

諸暨圖書館  
ZHUJI LIBRARY



諸暨圖書館  
— ZHUJI LIBRARY —



諸暨圖書館  
— ZHUJI LIBRARY —

春秋穀梁註疏

桓公

卷第十八

八

晉范甯集

禮記

唐楊士勳疏

八年春正月己卯烝春祭曰祠薦尚韭卯夏祭曰禴

薦尚麥魚秋祭曰嘗薦尚黍肫冬祭曰烝薦尚稻鴈

無牲而祭曰薦薦而加牲曰祭禮各異也失禮祭祀

例日得禮者時定八年冬後祀先公是也僖八年秋

七月禘于大廟月者謹用致夫人耳禘無違禮之承

反曰禴餘若反又作酌黍肫本釋曰所言四時祭

名者周禮大宗伯及爾雅竝有其事薦尚韭卯之等  
 禮記王制之文何休云祠猶食也猶繼嗣也春物始  
 生孝子思親繼嗣而食之也禘者麥始熟可禘也嘗  
 者黍先熟可得薦故曰嘗黍衆也所薦衆多芬芳備  
 具故曰烝郭璞等註爾雅與何解四時祭名少與但  
 范之所引者竝與何氏同故從何說又云天子四祭  
 四薦諸侯三祭三薦大夫士再祭再薦天子諸侯卿  
 大夫牲用太牢天子元士諸侯卿大夫少牢諸侯之  
 士特豕天子之牲角屬諸侯角尺卿大夫索牛此記  
 與聞耳未知范意與之同否定八年冬衛侯鄭伯盟  
 于曲濮下卽云從祀先公是時而不月也得禮例時  
 引定八年爲證失禮例日不引其文者凡烝合在夏  
 之十月故何休云祭必於夏之孟月者取其見新物  
 之月是也今正月爲之違月隔年故傳曰春與之志  
 不時也下文夏五月丁丑烝傳曰志不敬也二烝竝  
 書日以見非禮此文卽是非禮例日之證故不復更  
 引他文其文二年丁卯大事于太廟亦是失禮書日  
 也正月烝傳云不時五月烝傳云不敬也者一失禮

尚可故以不時言之再失禮重故以不敬釋之又註  
云言禘無違禮案明堂位季夏六月以禘禮祀周公  
於大廟僖公七月而禘則是不時而云無違者周之  
七月夏之五月若值月前節却則與四月相投不多  
比之隔年再烝失禮尚可故曰無違也文二年八月  
則是夏之六月而禘嘗者亦是失禮故書日表逆祀  
及失時也宣八年六月禘于大廟是禘也  
得時而書日者譏宣公卿死不廢釋也

春興之志不時也

天王使冢父來聘

**傳**

冢父天子大夫冢氏父字

**傳**

冢氏父字

父字。釋曰何休云中大  
夫故不稱伯仲范意或然

夏五月丁丑烝

**傳**

烝冬事也春夏興之黷祀也志不敬

也

○黷徒  
木反

秋伐邾

冬十月雨雪禮月令曰孟冬行秋令則霜雪不時雨

于付反

祭公來遂逆王后于紀祭公寗內諸侯為天子三公

者親逆例時不親逆例月故春秋左氏說曰王者至

尊無敵無親逆之禮祭公逆王后未致京師而稱后

知天子不行而禮成也鄭君釋之曰大姒之家在郕

之陽在渭之涘文王親迎于渭即天子親迎之明文

矣天子雖尊其于后猶夫婦夫婦配合禮同一體所

謂無敵豈施此哉禮記哀公問曰冕而親迎不已重

乎孔子愀然作色而對曰合二姓之好以繼先聖之

後以為天地宗廟社稷之主君何謂已重焉此言親

迎繼先聖之後為天地宗廟社稷之主非天子則誰

乎○祭公側界反寰音縣又音環親迎魚敬反註皆同大姒音似大姒文王妃也邵音洽本又作洽涖

音仕愀在九反又親**禮**祭公至誰乎○釋曰此註

小反之好呼報反**禮**之意言左氏天子不合親迎

故引鄭君之釋以明天子合親迎也然文王之逆大

姒時為世子耳得證天子之禮者文王之為世子而

聖賢相配宜為後王之法故有造舟為梁又入大雅

明天子之法又且魯不祭地而云天地之主是王者

親迎之明文也案士昏禮士衣爵弁是助祭之服則

大夫以上及五等諸侯冕而親迎亦當用助祭之服

也

**傳**其不言使焉何也

**傳**據四年天王使宰渠伯糾

稱使

**傳**據四至稱使。釋曰此年天王家父來聘五年天王使任叔之子來聘范不據之而遠

據四年宰渠伯糾者彼宰是官此公亦正其以宗廟

之大事即謀於我故弗與使也

**傳**時天子命祭公就

魯共卜擇紀女可中后者便逆之不復反命

**傳**復扶又反

遂繼事之辭也其曰遂逆王后故畧之也

**傳**以其遂

逆無禮故不書逆女而曰王后畧謂不以禮稱之

**傳**

遂繼事之辭也。釋曰依范氏畧例凡有十九遂事傳亦有釋之者亦有不釋者此是例之首又天子大夫嫌與諸侯臣與故發繼事之辭莊十九年公子結言遂傳云以輕事遂乎國重辟要盟也理在可知故

省文也僖二十八年諸侯遂圍許會溫已訖中間有事必恐不相繼故發傳以明之曹伯襄遂會諸侯圍許恐彼釋而遂與常例異故重發之僖四年遂伐楚恐華戎與故重發以同之宣元年楚子鄭人侵陳遂侵宋嫌尊卑與故亦發之宣十八年歸遂奔齊嫌出奔不得同於繼事故發之襄十二年季孫宿遂入鄆嫌不受命與常例不同故發之自餘不發者竝可知故也 或曰天子無外王命之則成矣 四海之濱莫非王臣王命紀女為后則已成王后不如諸侯入國乃稱夫人或說是

九年春紀季姜歸于京師 季姜桓王后書字者申父

母之尊姜紀姓為之中者歸之也 中謂關與婚事

○之中丁仲反又為之至之也。釋曰劉夏逆王如字註同與音豫 后經不言歸則是魯不關與婚

事而范氏畧例云逆王后有二者以書逆王后皆由  
過魯若魯主婚而過我則言歸若不主婚而過我則  
直言逆雖詳畧有異俱是  
過魯故范以二例總之

夏四月

秋七月

冬曹伯使其世子射姑來朝禮朝不言使言使非正也

使世子伉諸侯之禮而來朝曹伯失正矣諸侯相見

曰朝以待人父之道待人之子以內爲失正矣內失

正曹伯失正世子可以已矣則是故命也禮父有爭

子則身不陷於不義射姑廢曹伯之命可射音亦廉氏本卽

作亦朝直遙反仇若浪反言使非正也。釋曰季

本又作亢爭諫爭之爭姬使鄆子來朝復云非

正者嫌婦人所使與父命子與故兩見之使世子朝

言非正者禮諸侯世子誓於天子攝其君則下其君此謂會同急趨王命者

一等未誓則以皮帛繼子男也今曹伯或有疾朝雖關朝魯未是急事而使世子

攝位來朝故云非正也公羊以為世

乎道邵曰已止也止曹伯使朝之命則曹伯不陷

非禮之愆世子無苟從之咎魯無失正之譏三者正

則合道多矣愆去 虔反

十年春王正月庚申曹伯終生卒桓無王其曰王何

也正終生之卒也徐乾曰與夷見弒恐正卒不明

故復明之

富反

**釋**

徐乾至明之。釋曰案范答

使世子行朝故於卒示譏則傳云正者謂正治其罪

則與徐解不同而引其說者以徐乾之說得通一家

故引之范意仍與徐與或以范意權答

夏五月葬曹桓公

秋公會衛侯于桃丘弗遇

**釋**

桃丘衛地桓弑逆之人出

則有危故會皆月之衛侯不來無危故時

**傳**

弗遇者

志不相得也弗內辭也

**釋**

倡會者衛魯至桃丘而衛

不來故書弗遇以殺恥

**釋**

弗遇至辭也。釋曰遇者

不相得也弗內辭也者其實魯公弗被遇託言衛侯

不遇故云弗內辭也。

**釋**

倡會至殺恥。釋曰以經

書會故知倡會者衛託言衛侯不遇則若衛侯不蒙魯公之接故云殺眚也

冬十有二月丙午齊侯衛侯鄭伯來戰于郎結日例

陳則日傳例曰不日疑戰也陳直來戰者前定

之戰也先已結期戰內不言戰言戰則敗先蘇

也兩敵故言戰春秋不以外敵內書戰則敗不言

其人以吾敗也不言及者為內諱也為于

也釋曰內不言戰又發傳者公敗宋師起例之始

此戰沒公故重發例以明之也不言其人者謂不稱公也不言及者謂不云及齊侯衛侯鄭伯也傳與下十七年傳文同但觀經立說故二處有與耳

十有一年春正月齊人衛人鄭人盟于惡曹惡曹地

闕

夏五月癸未鄭伯寤生卒

○寤吾故反

秋七月葬鄭莊公

莊公殺段失德不葬而書葬者段

不弟於王法當討故不以殺親親貶之

○弟下並音悌又如字

**禮** 不以至貶之。釋曰此據晉侯殺世子申生不葬而發

九月宋人執鄭祭仲

**禮** 祭氏仲名執大夫有罪者例時

無罪者月此月者為下盟

○祭側界反  
**禮** 祭氏至下盟

者以仲立惡黜正無善可褒故知仲名也云有罪者例時者莊十七年春齊人執鄭詹經不書月傳曰以人執與之辭也是執有罪書時之文也言無罪者月者成十六年九月晉人執季孫行父舍之於茗丘彼

雖為危書月亦是無罪之例也今祭仲有罪而經書月故註解之書月者為下盟耳案襄二十七年秋七月辛巳豹及諸侯之大夫盟於宋書曰下云柔會宋公陳侯蔡叔盟于折不日者柔是大夫之未命者也不得同正大夫又下貴於士故雖得書名仍從卑者之盟不日之例也

宋人者宋公也其曰人何也貶之也惡其執人權臣廢嫡立庶惡

烏路反嫡  
丁歷反

突歸于鄭突鄭厲公昭公之弟莊公之子

之也曰歸易辭也傳例曰歸為善自某歸次之此

傳口歸易辭也然則歸有二義不皆善矣突篡兄之

位制命權臣則歸無善及註同篡初患反

受采充  
卷之四七  
反古制

○釋曰成十六年曹伯歸自京師傳云歸為善註云謂直言歸而不言其國即曹伯歸自京師不言于曹是自來歸次之註云若蔡季自陳歸于蔡衛侯鄭自楚復歸于衛是據彼傳文則歸為善今傳曰歸易辭故解之言歸有二意善者謂之歸易者亦謂之歸也是稱歸有二突惡而稱歸是惡辭非善也祭仲

易其事權在祭仲也死君難臣道也今立惡而黜正

惡祭仲也易辭言廢立在此○難乃旦反惡祭烏路反

鄭忽出奔衛忽鄭昭公傳鄭忽者世子忽也其名失

國也其名謂去世子而但稱忽○去起呂反其名

○釋曰鄭忽先君已葬而經不稱世子者穀梁之意先君雖葬而嗣子未踰年亦宜稱子即僖二十五年秋葬衛文公冬十有二月癸亥公會衛子莒慶盟于洮是也雖則踰年先君未葬亦不得成君故下十二

年丙戌衛侯晉卒十三年衛惠公稱侯而註云衛宣未葬而嗣子稱侯以出其失禮明矣是也計鄭忽父雖葬訖仍未踰年於例宜合稱子但范以忽十五年歸國稱世子復歸故於此決其去世子而但稱忽也稱謂與常例違者此年書各表失其國十五年稱世子明其反正故與常例不同

柔會宋公陳侯蔡叔盟于折國蔡叔蔡大夫名未命故

不氏折某地○折之設反又時設反○柔者何吾大夫之未命

者也○柔者至者也○釋曰重發傳者隱不成為君不爵大夫故俠卒不氏今桓成為君而有不

命大夫嫌有罪則故明之

公會宋公子夫鍾國夫鍾邾地○夫音扶麋氏本鍾作童音鍾

冬十有二月公會宋公子闕國闕魯地○闕口暫反

十有二年春正月

夏六月壬寅公會紀侯莒子盟于曲池

**註**

曲池魯地

秋七月丁亥公會宋公燕人盟于穀丘

**註**

穀丘宋地

燕

音煙

國名

八月壬辰陳侯躍卒

**註**

陳厲公也

躍餘若反

公會宋公子虛

冬十有一月公會宋公于龜

**註**

龜宋地

丙戌公會鄭伯盟于武父

**註**

武父鄭地

音甫

丙戌衛侯晉卒

**註**

再稱日決日義也

**註**

明二事皆當日

也晉不正非日卒者也不正前見矣隱四年衛人立

晉是也與齊小白義同

○見賢徧反

再稱至義也○釋曰決日者謂二事

決宜書日故經兩舉日也月則不然縱有兩事合月但舉一月以包之其有蒙日明者則亦不兩舉故

范答薄氏云纘且之卒與於日食之下可知日是也

○釋曰明二至義同○釋曰納入立皆篡隱四年書衛

人立晉是不正前已見故合書日莊九年書齊小白入於齊是其惡已見故僖十七年小白卒書日與此

也同

十有二月及鄭師伐宋丁未戰于宋○非與所與伐戰

也○非責不言與鄭戰恥不和也於伐與戰敗也內

諱敗舉其可道者也○於伐宋而與鄭戰內敗也戰

輕於敗戰可道而敗不可道

**疏**非與至者也。釋曰：麋信云此傳解經書

謂還與鄭戰然則責其還與鄭戰于理是也言解經

下日之意則非也何者十三年公會紀侯鄭伯已已

云云戰彼亦下日豈又是責魯乎麋信之說非也蓋

責與人同伐反與之交戰是危之道故經舉戰

伐以責之既責魯不顯言與鄭戰者諱不和也

十有三年春二月公會紀侯鄭伯已已及齊侯宋公衛

侯燕人戰齊師宋師衛師燕師敗績

**注**徐邈曰僖九年傳曰禮柩在堂上孤無外事今衛宣未葬而嗣子

稱侯以出其失禮明矣宋陳稱子而衛稱侯隨其所

以自稱者而書之得失自見矣

○柩其救反

**疏**徐邈至

見矣。釋曰：宋稱子在僖九年，陳稱子在二十八年，得失自見者，彼二君稱子是其得，今衛惠稱侯是其失也。僖三十三年，晉人及姜戎敗秦師于穀，傳云：晉人者，晉子也，不正其釋殯，故敗之。此衛侯亦釋殯，所以不貶者，晉為大國，不勞自戰，無故釋殯，自戰故貶。稱人，今衛侯初立，須求好，諸侯今從齊宋之命，未是大過，故譏而不貶。議者據經稱侯即是足見其惡。

其曰戰者由外言之也。

內不言戰言戰則敗，今魯

與紀鄭同討，以有紀鄭故，可得言戰。

其言至之也。

釋曰：言由

內及之也者，以文承紀鄭之下，恐非獨內及，故特言之。又且下云：其曰戰者，由外言之也。是戰從外稱及，是內辭欲分別二事故。內外兩舉，傳其不地於紀也。者，春秋考異郵云：時戰在魯之龍門，故何休難云：在紀無為不地。鄭玄云：紀當為已在龍門城下，故不地。何休註：公羊亦云：戰魯龍門，與攻城池取之，故不地。

是皆以紀為戰稱人敗稱師重衆也其不地於紀也

**紀**春秋戰無不地即於紀戰無為不地也鄭君曰紀

當為已謂在魯也字之誤耳得在龍門城下之戰迫

近故不地

三月葬衛宣公

夏大水

秋七月

冬十月

十有四年春正月公會鄭伯于曹



無冰

**註**

皆君不明去就政治舒緩之所致五行傳曰視

之不明是謂不哲厥咎舒緩罰常燠

○哲陟列反一本作哲之列反

燠於六反煖也下文同

**註**

無冰。釋曰舊解傳文無冰時燠也謂無冰書時燠煖也時字上讀為句

因即解成元年正月公即位二月葬宣公三月作丘甲無冰在其中不是為無冰書月可知也此正月公

會鄭伯於曹下云無冰則正月者直為公會鄭伯不為無冰何者無冰一時之事固當不得以月書也徐

邈亦然今以為成元年傳云加之寒之辭也則無冰亦當蒙月也傳云無冰時燠也者謂今所以無冰者

正由時燠也於字下讀理亦足通。皆君不明去就政治舒緩之所致五行至罰常燠。釋曰徐邈云

無冰者常陽之與此夫人淫泆陰為陽行之所致也何休註公羊亦然今范云皆君不明去就政治舒緩

之所致則非獨為夫人也蓋為桓公聞於去就不達是非外不能結好鄰國內不能防制夫人又成亂助

篡貪賂廢祀以火攻人反與伐戰此等皆是不明去  
就政教舒緩故又引洪範五行傳曰視之不明是謂  
不哲言人君愚闇察視不明是謂不昭哲也  
其咎過在於舒緩其天降謂罰常在時燠也

時燠也

無冰

夏五

○夏五本或  
有月者非

鄭伯使其弟禦來盟○諸侯之尊弟兄不得以屬通其

弟云者以其來我舉其貴者也來盟前定也不日前

定之盟不日○言信在前非結於今○禦魚召反本  
亦作御左氏作

語

○諸侯至不日。釋曰重發不以屬通例者前弟  
年來聘今禦來盟嫌不同故重發之此云前定

之盟不日則成十一年巳丑  
及卻擘盟是後定可知也  
孔子曰聽遠音者聞其

疾而不聞其舒

疾謂激揚之聲舒謂徐緩 遠者

察其貌而不察其形

貌姿體形容色立乎定 哀以

指隱桓隱桓之日遠矣夏五傳疑也

孔子在於定

哀之世而錄隱桓之事故承闕文之疑不書月明皆

實錄

傳直專反 明皆實錄。釋曰言孔子承闕文之疑不止夏五一事故云皆也

秋八月壬申御廩災

御廩藏公所親耕以奉粢盛之

倉也內災例日

廩力甚反 御廩至例日。釋曰御

用於宗廟故謂之御廩祭義云古者天子為籍千畝  
冕而朱紘躬秉耒諸侯為籍百畝冕而青紘躬秉耒  
以事天地山川社稷先古是公所親耕也內災例日  
者成三年甲子新宮災此云壬申御廩災是例日也

乙亥嘗傳御廩之災不志註以其微疏以其微釋曰舊解云災是

大事嘗亦不小而云微者周之八月夏之六月其六月之末容得立秋之節祭未足可書比之災則為微

當合舉重而今並書之者是未易災之餘可志而已見其不敬故兼志之如此解則傳云御廩之災不志

者謂不當兼志之也今以為微者直謂御廩災也故徐邈云不足志是也徐又云而嘗可也言可以嘗可

上屬與范註此其志何也以爲唯未易災之餘而嘗違不得取之

可也志不敬也註鄭嗣曰唯以未易災之餘而嘗然後可志也用火焚之餘以祭宗廟非人子所以盡其

心力不敬之大也盡註天子親耕以共粢盛註天

子親耕其禮三推黍稷曰粢在器曰盛共音恭一本作恭粢音

咨推昌誰反孟春之月乃擇元辰天子親載耒耜

措之參保介之御間帥三公九卿諸侯大夫躬耕帝藉天子三推公五推卿諸侯九推是其文也

后親蠶以共祭服王后親蠶齊戒躬桑夫人三纁

遂班三宮朱綠玄黃以為黼黻文章服既成君服以

祀之齊戒側皆反本亦作齋纁先刀

曰王后親蠶齊戒躬桑月令文夫人三纁遂班三宮云云祭義文故彼云古者天子諸侯必有公桑蠶室

近川而為之築宮仞有三尺棘牆而外闔之及大昕之朝君皮弁素積卜三宮之夫人世婦之吉者使人

蠶于蠶室奉種浴于川桑于公桑風戾以食之鄭玄云大昕季春朔日之朝也諸侯夫人三宮半王后也

又云及良日夫人纁三盆手遂布于三宮夫人世婦之吉者使纁遂朱綠之玄黃之以為黼黻文章服既

成君服以祀先王先公敬之至也鄭玄云三盆手者三掩也凡纁每掩大總而手振之以出緒也是也

國非無良農工女也以爲人之所盡事其祖禰不若

以已所自親者也禮歆曰夫治人之道莫急於禮禮

有五經莫重於祭祭者非物自外至者也由中出者

身致其誠信然後可以交於神明祭之道也禮反禘乃

禮禮有至道也。釋曰祭統文鄭玄云五經者吉

職曰以吉禮事邦國之鬼神祇何用見其未易災之餘而嘗也曰甸

粟而內之三宮三宮米而藏之御廩甸甸師掌田

之官也三宮三夫人也宗廟之禮君親割夫人親春

○親春傷容反**疏**甸甸至親春。釋曰傳言甸粟知是掌

故知三宮是三夫人宮也禮宗廟之禮君親割夫人

親春者文十三年傳文傳兼甸之事焉者納粟者甸

師而夫人親春是兼之也**夫嘗必有兼甸之事焉****疏**夫人親春是

兼甸之事兼甸如字一本作甸十日為甸註亦然壬申御廩災乙亥嘗

以為未易災之餘而嘗也**疏**鄭嗣曰壬申乙亥相去

四日言用日至少而功多明未足及易而嘗

冬十有二月丁巳齊侯祿父卒

宋人以齊人蔡人衛人陳人伐鄭**傳**以者不以者也民

者君之本也使人以其死非正也**傳**不以者謂本非

所得制今得以之也刺四國使宋專用其師輕民命

也。刺七。賜反。

十有五年春二月天王使家父來求車傳古者諸侯時

獻于天子以其國之所有故有辭讓而無徵求求車

非禮也求金甚矣文九年毛伯來求金求車至甚矣。

釋曰求賻求金並發傳者以所求不同故各發之不云求賻甚而云求金甚者喪事有賻但求之非禮金非喪所供故以為甚傳反正也者釋其稱世子也

三月乙未天王崩桓王

夏四月己巳葬齊僖公

五月鄭伯突出奔蔡傳譏奪正也禮諸侯不生名今  
名突以譏之

鄭世子忽復歸于鄭傳反正也

許叔入于許傳傳例曰大夫出奔反以好曰歸以惡曰

入傳傳例至曰入。釋曰莊九年傳文傳許叔許之貴者也莫宜乎

許叔其曰入何也其歸之道非所以歸也傳泰曰許

國之貴莫過許叔叔之宜立又無與二而進無王命

退非父授故不書曰歸同之惡入

公會齊侯于蒿蒿左氏作艾公羊作鄣

邾人牟人葛人來朝。何休曰桓公行惡而三人俱朝

事之三人為眾眾足責故夷狄之。

○行下孟反又如字

秋九月鄭伯突入于櫟。櫟鄭邑也突不正書入明不

當受。

○櫟力狄反。櫟鄭至當受。釋曰案齊小白入于齊傳曰以惡曰入衛侯朔入衛傳

曰入者內弗受也蓋舊為國君而入者則是內不受若衛侯朔入于衛鄭伯突入于櫟是也公子不正取國者則是以惡故曰入若許叔入于許齊小白入于齊是也觀范之註其事必然但舊無此解不敢輒定或當以惡入者即內不當受傳文互舉之其實不異理亦通耳

冬十有一月公會宋公衛侯陳侯于袤伐鄭。袤宋地

○袤昌氏反

傳地而後伐疑辭也非其疑也。鄭突欲篡

國伐而正之義也不應疑故責之

十有六年春正月公會宋公蔡侯衛侯于曹

夏四月公會宋公衛侯陳侯蔡侯伐鄭蔡常在衛上

今序陳下蓋後至蔡人衛人陳人從王伐鄭此春

公會宋公蔡侯衛侯于曹是蔡常在衛上今在下故知後至

秋七月公至自伐鄭桓無會其致何也危之也桓

公再助篡伐正危殆之甚喜得全歸故致之桓

致之。釋曰公與諸侯此年為突伐鄭前年雖為忽討突疑而不用心亦是其助故云再助也范答薄氏駁云明桓伐突非本心故言再助是也范必知前年為忽伐鄭而此年為突伐鄭者以前年責其疑若是

伐嫡而疑則不足可責明是為忽討突也此年傳云  
桓無會其致何也危之也若是助嫡則不須云危故  
知是助突  
討忽也

冬城向

○向舒尚反

十有一月衛侯朔出奔齊國朔惠公名傳朔之名惡也

天子召而不往也國朔之至往也釋曰不云失地而言惡者以朔不奉王命重於

失地故直言惡也

十有七年春正月丙辰公會齊侯紀侯盟于黃國黃齊

地

二月丙午及邾儀父盟于雉國雉魯地○雉翠軌反

夏五月丙午及齊師戰于郎傳內諱敗舉其可道者也

敗恥大戰恥小  
戰于郎左  
不言其人以吾敗也

言人則微者敗於微者其恥又甚故言師不言及

之者為內諱也傳及當有人公親帥之恥有不可言

偽反  
為內諱則  
是公可知  
春秋之義唯為親尊諱不為卿諱又傳云

為于  
公親帥之  
釋曰知非卿帥而言公者

六月丁丑蔡侯封人卒

秋八月蔡季自陳歸于蔡傳蔡季蔡之貴者也自陳陳

有奉焉爾傳陳以力助

癸巳葬蔡桓侯

**註**

徐邈曰葬者臣子之事故書葬皆以

公配諡此稱侯蓋蔡臣子失禮故即其所稱以示過

**疏**

葬蔡桓侯。釋曰何休云蔡季賢而桓侯不能用故抑之杜預云疑謬誤范以為屬子失禮稱侯既

就其所稱以示過三傳無文各以意說

及宋人衛人伐邾

冬十月朔日有食之

**傳**

言朔不言日食既朔也

**註**

既盡

也盡朔一日至明日乃食是月之一日食也

**疏**

既盡至食也

○釋曰知二日者以傳云食既朔也言食盡朔是二日明矣

十有八年春王正月公會齊侯于濼

**註**

此年書王以王

法終治桓之事

樂力沃反又音洛舊音匹沃反

公與夫人姜氏遂

如齊

公本與夫人俱行至灤公與齊侯行會禮故

先書會樂既會而相隨至齊故曰遂遂繼事之辭也

皆放此灤之會不言及夫人何也

據夫人實在當

言公及夫人姜氏會齊侯于灤

據夫至于灤釋曰決僖公十一年

年公及夫人姜氏會齊侯于陽穀是也公羊以為此不言及夫人外公也左氏無正文或當以公男女無

別故不言及

以夫人之伉弗稱數也

樂之會夫人

驕伉不可言及故舍而弗數今書遂如齊欲錄其致

變之由故不可以不書實驕伉而不制故不言及

伉

本又作亢若浪反  
數色祖反舍音捨

夏四月丙子公薨于齊

**詁** 夫人與齊謀殺之不書諱也

魯公薨正與不正皆日所以別內外也

○別內  
彼列反

**傳** 其

地於外也薨稱公舉上也

**詁** 公五等之上

**詁** 其地至上也○

釋曰據隱閔不地故決之也其外諸侯  
之卒皆不言公尊內故舉五等之上也

丁酉公之喪至自齊

秋七月

冬十有二月己丑葬我君桓公

**傳** 葬我君接上下也

言我君舉國上下之辭

**詁** 葬我至下也○釋曰公者  
臣子之稱也我君者接及

舉國上君弑賊不討不書葬此其言葬何也下之辭証據隱

公不書葬不責踰國而討于是也証禮君父之讎不

與共戴天而曰不責踰國而討于是者時齊强大非

已所討君子即而恕之以申臣子之恩疏不責至是

不責其討而譏其狩于邾者齊魯大小不敵故恕而免之公雖不能報理當絕交而與之同狩故譏之也

桓公葬而後舉諡諡所以成德也於卒事乎加之矣

証諡者行之迹所以表德人之終卒事畢於葬故於

葬定稱號也魯武王崩周公制諡法大行受大名小

行受小名所以勸善而懲惡禮天子崩稱天命以諡

之諸侯薨天子諡之卿大夫卒受諡於其君

**疏**者至

其君。釋曰以左傳無駭卒羽父請諡於隱公是大夫諡諸侯賜之諸侯既上有王者故知天子賜之禮

記云天子稱天以誅之又公羊說天子諡於南郊在天子上者唯天耳故知稱天命以諡

義者行仁者守有此三者備然後可以會矣

**註**桓無

此三者而出會大國所以見殺

○知音智守如字又音符

**疏**知者至會

矣。釋曰復發傳者隱公表會戎之危此明桓公見殺之事故重發之也

春秋穀梁註疏桓公卷第四

終

春秋穀梁註疏莊公卷第五

起元年盡十八年

晉范甯集解

唐楊士勛疏

莊公

魯世家莊公名同桓公之子以莊王四年即位諡法勝敵克壯曰莊

元年春王正月傳繼弒君不言即位正也

繼弒至正也。釋曰

桓繼弒即位非正故此言正以明之

繼弒君不言即位之為正何也

據君不絕曰先君不以其道終則子不忍即位也

三月夫人孫于齊

桓公夫人文姜也哀姜有殺子之

罪輕故僖元年曰夫人氏之喪至自齊去姜以貶之

文姜有殺夫之罪重故去姜氏以貶之此輕重之差

○孫音遜本亦作遜去起呂反下去姜同孫之為言猶孫也孫孫遁

而去困反遁徒諱奔也接練時錄母之變始人之也

夫人初與桓俱如齊今又書者於練時感夫人不與

祭故始以人道錄之與祭音豫始人之也釋曰

言氏姓貶之者公以練祭感母不與故以人道錄之

但以妻殺夫罪同至逆不可不貶故又以人道絕之

所以進退見法也計桓公以十八年四月薨至此年

三月未是練時而云練祭感母不與者至四月則當

練今方至練故感之而息母故何休云月不言氏姓

者起練祭左右是其意亦以四月為練也

貶之也人之於天也以道受命於人也以言受命

臣子則受君父之命婦受夫之命不若於道者天絕

之也謂若順不若於言者人絕之也臣子大受命謂

言義得貶夫人謂人之至受命釋曰天之道臣

天故曰人之於天也以道受命謂事夫之道也臣子

之法當受君父教令故曰於人也以言受命不若於

道者天絕之也謂文姜殺夫是不順於道故天當絕

之不若於言者人絕之也謂臣子不順君父之命則

君父當絕之臣子大受命謂君父既絕夫人臣子受

君父之命故不得不貶也其註云臣子則受君父之  
命者解經中以言受命也云婦受夫之命者解以道  
受命也恐此說非也但舊為此解不得不述或當人  
之於天也以道受命謂順天道以事夫也於人也以  
言受命謂臣受君命也不順於道者天絕之天道妻  
當事夫今夫人反弑公是不順天也故天絕之不順  
於言者人絕之謂婦當受夫之命夫人不受夫命是

受命充 卷之五 二 及古習

不順人也故人絕之臣子大受命者臣謂羣下子謂莊公上受命於天下受命於君是大受命也以其受君天之命故臣子得貶退夫人也

夏單伯逆王姬

**單**單姓也伯字

○單音善單姓伯字左氏以為王卿士逆王姬

左氏作送王姬

**單伯者何善大夫之命乎天子者也命大**

天故不名也

**諸侯歲貢士于天子天子親命之使**

還其國為大夫者不名天子就其國命之者以名氏

通也

**諸侯至通也**○釋曰知諸侯貢士于天子者傳稱國高在又何休云大國舉三人次國

舉二人小國舉一人是有貢士之法今單伯天子命大夫故不名知書名者就國命之

**其不言**

如何也

**據僖三十九年公子遂如京師言如其義**

不可受於京師也其義不可受於京師何也曰躬君

弑於齊使之主婚姻與齊為禮其義固不可受也

禮尊卑不敵天子嫁女子諸侯必使同姓諸侯主之

魯桓親見殺于齊若天子命使為主則非禮大矣春

秋為尊者諱故不可受之于京師○弑又作殺為尊于為反下為之築

同禮尊至京師○釋曰天子嫁女子于諸侯必使

同姓諸侯主婚之意者天子與諸侯尊卑不敵

若行君臣之禮則廢婚姻之好若行婚姻之好則廢君臣之禮故使諸侯主之

秋築王姬之館于外○築禮也于外非禮也○外城外

也○于外非禮也○釋曰左氏以為築于外禮也此云非禮者以主王姬者必自公門出今築之于

外則是營衛不固是輕王女故云  
非禮謂非正禮耳於變禮則通也  
築之為禮何也主

王姬者必自公門出  
公門朝之外門主王姬者當

設几筵于宗廟以俟迎者故在公門之內築王姬之

館  
○朝直遙反下於朝  
同迎魚敬反下同  
於廟則已尊於寢則已卑為

之築節矣築之外變之正也築之外變之為正何也

仇讎之人非所以接婚姻也衰麻非所以接弁冕也

親迎服祭服者重婚姻也公時有桓之喪  
○衰七  
回反弁

皮彥  
親迎至之喪  
○釋曰禮稱冕而親迎是服祭  
反也弁冕者連言之周禮弁師掌王之五冕

故傳亦  
通言之  
其不言齊侯之來逆何也不使齊侯得與吾

為禮也

**禮記**

不使至禮也。釋曰：二十四年夏，公如齊，逆女。傳云：親迎，恒事也。不志此，其心何也？

不正其親迎於齊也。然則不言齊侯之來迎，乃是常事，不錄而云不使齊侯得與吾為禮也者，春秋之例，得常不書。莊公親逆是禮，而書故知非其逆於齊也。今王姬嫁於齊，而使魯為主，齊侯如魯，親逆，當合書。經但齊是魯，雖不使齊侯得與君為禮，故不書之耳。舊解齊侯親迎不至京師，文王親迎不至于洽，則天子諸侯親迎皆不至婦家矣。今恐不然，何者？此時王姬魯主婚，故不至京師。詩稱親迎于渭者，為造舟為梁，張本焉。知文王不至大妣之家，略舉所疑遺諸來哲。

冬十月乙亥，陳侯林卒。

**禮記**

諸侯日卒正也。

**禮記**

日卒正也。釋曰：重

發之者，此共錫命相連，恐日月之為錫命而錄，故傳明之。

王使榮叔來錫桓公命。

**禮記**

榮氏叔，字天子之上大夫也。

禮有九錫一曰輿馬二曰衣服三曰樂則四曰朱戶  
五曰納陛六曰虎賁七曰弓矢八曰鈇鉞九曰秬鬯  
皆所以褒德賞功也德有厚薄功有輕重故命有多  
少何休曰桓弒逆之人王法所宜誅絕而反錫命悖  
亂天道故不言天王也文五年王使榮叔歸含且賵  
則曰含者臣子之職也以至尊行舉事故不言天王  
也三月王使毛伯來會葬又曰刺比失禮故亦不言  
天王也甯案僖二十四年天王出居于鄭不可最大  
矣禮天子既有賵含之制傳但譏二事共一使耳言

且所以示譏一事無再貶之道也以天王之尊會人  
妾祖母之葬誠失禮矣孰若使任叔之子來聘使冢  
父來求車之不可乎此三者皆言天王明非義之所  
存舊史有詳略夫子因而弗革故知曲說雖巧致遠

則滯矣

○錫星歷反賁音奔鉄方胡反鉞音越秬音  
巨黑黍鬯救亮反香酒也悖補對反含胡暗

反贈芳鳳

反刺七賜反一使所吏

**禮**

禮有至多少

反任音壬滯乃計反一本作泥

**禮**

釋曰九錫者

出禮緯文也此九錫與周禮九命異何休註公羊既

引九錫之文卽云百里不過九命七十里不過七命

五十里不過五命其意以九錫卽是九命也今知何

說非者案大宗伯以九儀之命正邦國之位一命受

職再命受服三命受位四命受器五命受則六命受

官七命賜國八命作牧九命作伯其言與九錫不同

明知異也今范引九錫之下直云皆所以褒德賞功也德有厚薄功有輕重故命有多少則亦以九錫與也但此九錫亦是賜命之類故引之或以范亦與何同恐非也白虎通云能安民者賜車馬能富民者賜衣服能和民者賜樂則民衆多者賜朱戶能進善者賜納陛能退惡者賜虎賁能誅有罪者賜鈇鉞能征不顯者賜弓矢孝道備者賜秬鬯亦是有助特賜不關九命之事也舊說解九錫之命一曰輿馬大輅戎輅各一玄馬二也二曰衣服謂玄衮也三曰樂則謂軒縣之樂也四曰朱戶謂所居之室朱其戶也五曰納陛謂從中階而升也六曰虎賁謂三百人也七曰弓矢彤旅之弓矢也八曰鈇鉞謂大柯斧賜之專殺也九曰秬鬯謂賜秬鬯之酒

**禮有受命無來錫命**

盛以圭瓚之中以祭祀也

**錫命非正也**



賞人於朝與人其之當召而錫也周

禮大宗伯職曰王命諸侯則償之是來受命

○朝直遙反償

必刃 反 生服之死行之禮也生不服死追錫之不正甚

矣 **禮** 不正甚矣。釋曰：文公踰年而賜成公八年，乃賜桓公死後追賜三者，異時嫌不得相蒙，故並

皆發傳此追命失禮最大故以甚言之

王姬歸于齊 **傳** 為之中者歸之也 **禮** 為之中者歸之也。釋曰：十一年王

姬歸于齊，傳曰：過我也。此云為之中者，歸之發傳不同者，此王姬繇魯而嫁，故曰為之中者，彼王姬非魯

主婚，故直云過我也。

齊師遷紀 邢 鄆 部 國 也 邢 鄆 部 國 也 **禮** 此國以三

言為名。○邢步丁反，鄆子移反，鄆音吾。或曰：遷紀于邢鄆部。十年

宋人遷宿，傳曰：遷亡辭也。其不地，宿不復見矣。齊師

遷紀四年復書紀侯大去其國者紀侯賢不與齊師  
 之亡紀故變文以見義邢鄆鄆之君無紀侯之賢故  
 不復見從常例也若齊師遷紀于邢鄆鄆當言于以  
 明之又不應復書地當如宋人遷宿齊人遷陽或曰  
 之說甯所未詳○復扶又反見賢徧反  
言宿陽既亡不地則此亦不應復書地何書於邢鄆鄆乎

二年春王二月葬陳莊公

夏公子慶父帥師伐於餘丘

**傳**

慶父名字仲父

**傳**

國而

曰伐於餘丘邾之邑也其曰伐何也公子賁矣師重

矣而敵人之邑公子病矣病公子所以譏乎公也其

一曰君在而重之也○邾君在此邑故不繼于邾使

若國○邾君至若國○釋曰觀傳上文其曰伐何

稱伐之意而范註解一曰之義則似解不繼于邾者

一曰君在而重之也亦是解其稱伐之意言邑而稱

伐者為君在重之使若國然故

邑亦稱伐是上下不相違也

秋七月齊王姬卒○為之者卒之也○主其嫁則有兄

弟之恩死則服之服之故書卒禮記曰齊告王姬之

喪魯莊公為之大功○為之大功于偽反○秋七月云云○釋

日此不日者恩實輕於內女案成八年冬十月  
癸卯杞叔姬卒書日此不書日是輕於內女也

冬十有二月夫人姜氏會齊侯于禚○禚齊地

**傳**婦人既嫁不踰竟踰竟非正也婦人不言會言會

非正也饗甚矣○饗在四年  
○竟音境後踰竟例同

乙酉宋公馮卒○馮皮冰反  
**傳**本馮是宋莊公穆公之長子

宋督既弑與夷則馮是當正故亦書日卒也

三年春王正月朔會齊侯伐衛徐邈曰傳例曰往月

危往也齊受天子罪人為之典師而魯與同其理危

也○溺乃狄反  
**傳**例至往也○釋曰定八年傳文會

也○傳溺者何也公子溺也其不稱公子何也據二

年公子慶父帥師伐於餘丘稱公子惡其會仇讎而

伐同姓故貶而名之也○惡烏路反

夏四月葬宋莊公傳曰改葬也

五月葬桓王傳曰改葬也若實改葬當言改以明

之郊牛之口傷改卜牛是也傳當以七年乃葬故謂

之改葬傳曰改葬也○釋曰傳云改葬而范違之者以經不言改故知非改葬也傳言改者

以見喪踰七年已行吉禮今始反服喪服故謂之改葬又感精符云桓星不見夜中星隕如雨而王不懼

使榮叔改葬桓王豕奢麗大甚如識之言則改葬桓王在恒星不見之後故范謂此時非改葬也改

葬之禮總舉下緬也總者五服最下言舉下緬上

從總皆反其故服因葬桓王記改葬之禮不謂改葬  
 桓王當服總也猶晦震夷伯之廟因明天子諸侯之  
 制不謂夷伯非魯之大夫也甯之先君與蔡司徒論  
 之詳矣江熙曰葬稱公舉五等之上改葬禮總舉五  
 服之下以喪緇藐遠也天子諸侯易服而葬以為交  
 於神明者不可以純凶况其緇者乎是故改葬之禮  
 其服唯輕言緇釋所以總也○總息詞反緇者至  
 總也○釋曰五服者案喪服有斬衰齊衰大功小功  
 總麻是也改葬之禮各從本服但總麻者是五服之  
 下故傳云改葬之禮總者舉下以緇上也不謂改葬  
 桓王之時唯服總耳蔡司徒者謂蔡謀也江熙以為

改葬之禮其服唯輕故云天子諸侯易服而葬以誌  
唯總耳知天子諸侯易服而葬者檀弓云弁經葛而  
葬與神交之道也鄭玄云接神之道不可以純凶天  
子諸侯變服而葬冠素弁以葛為環經既處卒哭乃  
服受服也變服者謂未葬以前服麻葬則易之以葛也  
或曰卻尸以求諸侯

停尸七年以求諸侯會葬非人情也  
○卻去略反又去逆反杜預云

尸未葬之通稱天子志崩不志葬必其時也何必焉舉天下

而葬一人其義不疑也志葬故也危不得葬也曰近

不失崩不志崩失天下也  
○京師去魯不遠赴告之

命可不踰旬而至史不志崩則亂可知  
○京師至可知○釋

曰王城去魯纔餘千里赴喪者旬日而至史不記崩亂可知矣獨陰不生獨陽不生

獨天不生三合然後生

☵

徐邈曰古人稱萬物負陰

而抱陽冲氣以為和然則傳所謂天蓋名其冲和之

功而神理所繇也會二氣之和極發揮之美者不可

以柔剛滯其用不得以陰陽分其名故歸於冥極而

謂之天凡生類稟靈知於天資形於二氣故又曰獨

天不生必三合而形神生理具矣

○揮許歸反冥亡  
丁反稟使錦反知

智故曰母之子也可天之子也可尊者取尊稱焉卑

者取卑稱焉

☵

王者尊故稱天子衆人卑故稱母子

○母之子也可絕句下做  
此尊稱尺證反下卑稱同

☵

獨陰不生至稱焉○釋  
曰凡物之生皆資二氣

之和稟上天之靈知不可以柔剛滯其用不得以陰陽分其名故云三合然後生也雖資三合然後推功冥極故云天之子也託之人事故又曰父之子母之子也天則感生者衆言天足以兼父不得云父子而曰天子衆人或知母而不知父故云母子亦不云父子也衆人亦稟天氣而生不云天子者天子取尊稱故稱天子衆人取卑稱故稱母子也傳因論天子崩葬故明其別稱也然則陰能成物陽能生物天能養物而總云生者凡萬物初生必須三氣合四時和然後得生不是獨陽得生也但既生之後始分繫三氣耳註云不可以剛柔滯其用不得以陰陽分其名者易繫辭云一陰一陽謂之道王弼云一陰一陽者或謂之陰或謂之陽不可定名也夫爲陰則不能爲陽爲柔則不能爲剛唯不陰不陽然後爲陰陽之宗不柔不剛然後爲剛柔之主故無方無體非陽非陰始得謂之道始得謂之神是也剛柔者卽陰陽之別名也故繫辭又云動靜有常剛柔斷矣註云陽動陰靜剛柔之斷也是剛則陽柔則陰也

其曰王

者民之所歸往也

秋紀季以鄫入于齊

**傳**

季紀侯弟

○鄫下圭反

**傳**

鄫紀之邑

也入于齊者以鄫事齊也入者內弗受也

**傳**

雍曰紀

國微弱齊將吞并紀季深觀存亡之機大懼社稷之

傾故超然遐舉以鄫事齊庶胤嗣不泯宗廟永存春

秋賢之故衰之以字齊受人之邑而滅人之國故於

義不可受也

○并必性反泯彌忍反

**傳**

入者內弗受也○釋曰重發之者此齊不可受

嫌違例故

重發之

冬公次于郎

**傳**

次止也有畏也欲救紀而不能也

**傳**

畏

齊

四年春王二月夫人姜氏饗齊侯于祝丘饗食也兩

君相見之禮凡會書月著時事有危雖於公發例亦

無所不關祝丘魯地

饗本又作享香丈反

張略反又張慮反

魯地。釋曰饗食也者烹太牢以饌賓故云兩君相見之禮夫人與齊侯非禮饗食故云著時事有危此與二年禘之會書月以著危而五年夏夫人姜氏如齊師不書月者何休云再出書月重之三出不月者省文從可知也事或然矣

饗齊侯所以病齊侯也

以非禮尤甚故謹而月之

三月紀伯姬卒

隱二年履緌所逆者內女卒例日伯

隱二年履緌所逆者內女卒例日伯

姬失國略之故月也

○綸音須 **隱** 二至月也 ○釋曰 僖九年秋七月乙酉伯

姬卒是例日也此不日明為失國略之也

**外** 夫人不卒此其言卒何也

吾女也適諸侯則尊同以吾為之變卒之也 **禮** 諸

侯絕旁蕃姑姊妹女子子嫁於國君者尊與已同則

為之服大功九月變不服之例然則適大夫者不書

卒 ○為于偽反 **禮** 諸至書卒 ○釋曰 莒慶高固

也書卒

夏齊侯陳侯鄭伯遇于垂 **傳** 例曰不期而會曰遇

者志相得也

紀侯大去其國傳大去者不遺一人之辭也言民不  
者四年而後畢也紀侯賢而齊侯滅之不言滅而曰  
大去其國者不使小人加乎君子傳不曰滅而曰大  
去其國蓋抑無道之強以優有道之弱若進止在已  
非齊所得滅也何休曰春秋楚世子商臣弑其君其  
後滅江六不言大去又大去者於齊滅之不明但知  
不使小人加乎君子而不言滅縱失襄公之惡反爲  
大去也鄭君釋之曰商臣弑其父大惡也不得但爲  
小人江六之君又無紀侯得民之賢不得變滅言大

去也元年冬齊師遷紀三年紀季以鄆入于齊今紀

僕夫去其國是足起齊滅之矣即以變滅言大去為

縱失襄公之惡是乃經也非傳也且春秋因事見義

舍此以滅人為罪者自多矣

○縱子用反見賢徧反舍音捨

多矣○釋曰此是鄭難何休云縱失襄公之惡也言春秋有因事見義者不得不舍此以滅人為罪也若

僖五年晉人執虞公十九年梁亡之類是也

六月乙丑齊侯葬紀伯姬傳外夫人不書葬此其書葬

何也吾女也失國故隱而葬之傳隱痛也不曰卒而

曰葬聞紀之亡也

傳曰葬至亡也○釋曰知非為危者紀國已滅而齊葬之非復

紀之臣子能葬固知閔之非為危也又三十年八月  
癸亥葬紀叔姬傳曰日葬閔紀之亡也知此亦是閔  
之也不於卒閔之者  
葬者送終大事故也

秋七月

冬公及齊人狩于郛

**齊地**

○狩音獸郛古報反左氏作禚

**齊人**

者齊侯也其曰人何也卑公之敵所以卑公也

無貶公之道何為卑公也不復讎而怨不釋刺釋怨

也

○怨紆元反又紆願反復同

五年春王正月

夏夫人姜氏如齊師

**傳**

師而曰如衆也

**言**

師衆大如

言師衆大如

國故可以言如若言如齊侯則不可

**師**

師而曰如衆也。釋曰

解經二年夫人姜氏會齊侯于禚四年夫人姜氏饗齊侯于祝丘不言如此言如齊師者言齊師衆大如

國故可言如若指齊侯則婦人既嫁不踰竟踰竟非於文不可言如齊侯也

禮也

**不踰竟**

釋曰復發傳者嫌師與國異也

秋郟黎來來朝

黎來名也

郟五兮反國名黎郎今反黎來郟君名朝直遙反

後來朝例同

**郟國**

也黎來微國之君未爵命者也

冬公會齊人宋人陳人蔡人伐衛

**納惠公朔**

是齊

侯宋公也其曰大何也人諸侯所以人公也其人公

何也逆天王之命也

**王不欲立朔也**

傳是齊侯

宋公。釋

是齊侯

曰四國皆從貶而獨言齊宋者齊為兵主宋是大國則陳蔡亦從也

六年春王二月壬子突救衛

徐邈曰諸侯不奉王

命朔遂得篡王威屈辱有危故月也救衛於義善故

重子突功不立故著其危

**國**

有危故月。釋曰日月之例見危者唯施於

內今施之於外者范荅薄氏去王者天下安危所繫故亦與內同

**國**

王人卑者也稱

名貴之也

**國**

何休以為稱子則非名也鄭君釋之曰

王人賤者錄則名可今以其銜命救衛故貴之貴之

則子突為字可知明矣此名當為字誤爾徐乾曰王

人者卑者之稱也當直稱王人而已今以其能奉天

子之命救衛而拒諸侯故加名以貴之僖八年公會

王人齊侯是卑者之常稱○卑者之稱尺證反下常稱同  
**鄭君**

○釋曰鄭荅何休云傳文稱名貴之者名當為字則鄭玄以子突非名徐乾云故加名以貴之則子突非

字二者不同者鄭意若以子突為名則書名者乃士之常稱傳何以云貴之故知子突是字徐乾意稱人

則王之卑者不合書名僖八年公會王人于洮是也今稱名即是貴之故二說不同或以為突是名子是

貴理亦通但**善救衛也**○善救衛也○釋曰計王者註意似不然  
有伐無殺而云善者朔叛

逆王命天子廢之立其嗣子而遣師往救有**救者善**  
存諸侯之功故曰善不可以大平之法格之

**則伐者不正矣**

夏六月衛侯朔入于衛傳其不言伐衛納朔何也傳據

九年伐齊納糾言納不逆天王之命也

**傳**

不與諸侯

得納王之所絕入者內弗受也何用弗受也為以王

命絕之也朔之名惡也朔入逆則出順矣朔出入名

以王命絕之也

**傳**

朔入逆云云○釋曰朔出奔之時傳曰朔之名惡也此云順者謂

比之入國為順彼辟天子之召仍是惡也故稱名耳一解此當文自相比朔入為逆則出當為順矣

秋公至自伐衛

**傳**

惡事不致此其致何也

**傳**

據襄九年

時有穆姜之喪會諸侯伐鄭不致不致則無用見公

之惡事之成也

○見賢徧反

螟

○螟亡反

冬齊人來歸衛寶傳以齊首之分惡於齊也使之如下

齊而來我然惡戰則殺矣傳若衛自歸寶於齊過齊

然後與我齊首其事則我與王人戰罪差減○惡烏各反下

同殺也界反舊色例反過古禾反差初賣反

七年春夫人姜氏會齊侯于防傳防魯地傳婦人不

會非正也

夏四月辛卯昝恒星不見夜中星隕如雨傳恒者經

星也傳經常也謂常列宿○昝如字或作𠄎見賢編反下不音者向宿風又

反下皆同傳謂常列宿○釋曰周之四月夏月入至於

星出謂之昏不見者可以見也夜中星隕如雨如

而也星既隕而復雨

○隕云敏反復扶又反

其隕也如雨是夜

**中與**

星既隕而雨必晦冥安知夜中乎

○與音餘冥亡定反

**傳**

其隕云云○釋曰其隕如雨是夜中與謂星隕而天必晦冥何知是夜中乎春秋之意著以傳著

疑以傳疑皆以實錄故知夜中

春秋著以傳著疑以傳疑

明實錄

也○傳直專反

中之幾也而曰夜中著焉爾

幾微也星

既隕而雨中微難知而曰夜中自以實著爾非億度

而知

○度徒各反

**傳**中之幾也至著焉爾○釋曰謂雨晦中微難知而曰夜中者是

事之著見焉爾非億度而知也

何用見其中也

何用見其中也○釋曰謂經以何事

知其夜中者以失星變之始而錄其已隕之時揆度漏刻則正當夜中矣 **失變而錄其時**

**則夜中矣** **失星變之始而錄其已隕之時檢錄漏**

**刻以知夜中其不曰恒星之隕何也** **其不至何也**

上文云恒星不見不文其不曰恒星之隕者又自解之我知恒星之不見而不知其隕者是何星故不得

言之也又解不言雨星而言隕星意言我見從上而隕又下接於地則可以雨說之也今唯見其下不見

其上故曰隕星又總說隕之與雨二者之別著於上見於下謂之雨著於下不見於上謂之隕豈雨說哉

言不見在上故不可以雨說之徐邈云著於上謂雲著上 **我知恒星之不見而不**

**知其隕也我見其隕而接於地者則是雨說也** **言**

我見從上來接於下然後可言雨星今唯見在下故

巨隕星

我見見音如字註  
同雨于付反註同

著於上見於下謂之雨

著於下不見於上謂之隕豈雨說哉

解經不得言

雨星而言隕星也鄭君曰衆星列宿諸侯之象不見

者是諸侯棄天子禮義法度也劉向曰隕者象諸侯

隕墜失其所也又夜中而隕者象不終其性命中道

而落

見子下如字或  
賢徧反墜直類反

秋大水傳高下有水災曰大水

傳高下云云釋曰  
復發傳者嫌大水無

麥苗異於常  
故重發之

無麥苗傳麥苗同時也

傳麥與黍稷之苗同時死

冬夫人姜氏會齊侯于穀傳穀齊地傳婦人不會會非

正也

傳會非正也。釋曰再發傳者防是魯地穀是齊邑故重發之

八年春王正月師次于郎以俟陳人蔡人傳時陳蔡欲

伐魯故出師以待之傳次止也俟待也

甲午治兵傳出曰治兵習戰也入曰振旅習戰也傳振

整也旅衆也

傳習戰也。釋曰此治兵振旅皆云習戰也周禮仲秋教治兵仲春教振

旅出入幼賤雖殊同是教戰之法故此傳二者皆以習戰言之公羊以治兵為祠兵亦云其禮一也周禮

仲秋教治兵此非秋亦云治兵者周禮四時講武故各立別名此據出師之事故雖春亦得以治兵為名

治兵而陳蔡不至矣兵事以嚴終傳以嚴整終事故

敵人不至故曰善陳者不戰此之謂也善為國者不

師國導之以德齊之以禮江熙曰鄰國望我歡若親

戚何師之為○陳直觀反下文皆同導徒報反下同善師者不陳國師

衆素嚴不須擐軍列陳江熙曰上兵伐謀何乃至陳

善陳者不戰國軍陳嚴整敵望而畏之莫敢戰善戰

者不死國投兵勝地故無死者江熙曰辟實攻虛則

不死善死者不亡國民盡其命無奔背散亡者也江

熙曰見危授命義存君親雖沒猶存盡津忍反善

為至不亡○釋曰善為國者不師謂有明王時導之以德齊之以禮不起軍師而四海賓服則黃帝堯舜

時是也善師者不陳若齊桓公伐楚不設行陳而服罪也善陳者不戰即此魯能嚴整終事而陳蔡不至也善戰者不死若文王伐崇因壘而崇自服也善死者不亡若柏舉之戰吳雖入楚父老致死還復楚國也此引文為證頗允傳文一准此解則與註少辭但舊有此說故今亦存之其註虛觀文則曉故不復煩釋

夏師及齊師圍邾邾降于齊師傳其曰降于齊師何不

使齊師加威於邾也傳邾同姓之國而與齊伐之是

用師之過也故使若齊無武功而邾自降傳降戶江反皆同

秋師還傳還者事未畢也遜也傳邾已降而以未畢為

文者蓋辟滅同姓之國示不卒其事傳還音旋遜徒困反

冬十有一月癸未齊無知弒其君諸兒傳大夫弒其君

以國氏者嫌也弒而代之也○見如字音五兮反

九年春齊人殺無知傳無知之挈失嫌也傳無知之

○釋曰重發之者月與不月地與不地之異故重發之稱人以殺大夫殺有罪

也○挈古結反

公及齊大夫盟于暨傳暨魯地○暨其器反左氏作暨傳公不及

大夫傳春秋之義內大夫可以會諸侯公不可以盟

外大夫所以明尊卑定內外也今齊國無君要當有

任其盟者故不得不以權通大夫不名無君也傳禮

君前臣名齊無君故大夫不名盟納子糾也不日其

盟渝也

**國**

變盟立小白

○渝羊朱反

當齊無君制在公矣

當可納而不納故惡內也

○惡烏路反下及註惡內皆同

夏公伐齊納糾

**國**

不言子糾而直云糾者盟繫在於魯

故挈之也春秋於內公子為大夫者乃記其奔子糾

不為大夫故不書其奔鄭忽既受命嗣位是以書其

出然則重非嫡嗣官非大夫皆事例所畧故許叔蔡

季小白重耳通亦不書出

○糾居黜反左氏作子糾嫡丁曆反重直龍反

**國**

**國**不言至書出。釋曰下文取子糾殺之稱子此直云糾故解其意欲明繫在魯故挈之又解子糾不書

出奔之意言內公子爲大夫者乃記其奔若閔三年  
公子慶父出奔莒是也子糾不書出是不爲大夫也

**傳**當可納而不納齊變而後伐故乾時之戰不諱敗

惡內也

**何**

何休曰三年溺會齊師伐衛故貶而名之

四年公及齊人狩于郚故卑之曰人今親納讎子反  
惡其晚恩義相違莫此之甚鄭君釋之曰於讎不復  
則怨不釋而魯釋怨屢會仇讎一貶其臣一卑其君  
亦足以責魯臣子其餘則同不復譏也至於伐齊納  
糾譏當可納而不納爾此自正義不相反也甯謂讎  
者無時而可與通縱納之遲晚又不能全保讎子何

足以惡內乎然則乾時之戰不諱敗齊人取子糾殺之皆不逆其文正書其事內之大惡不待貶絕居然

顯矣二十四年公如齊親迎亦其類也○柔曰之言傳

或失之

○復扶又反透音于一音類也○釋曰范

既不從傳文以為大惡又○類也○釋曰范亦其類者以公忘父之仇○舉兵動眾既不能強

為齊所敗是大惡也魯雖得親迎之常甚失結婚之義故云亦其類也

齊小白入于齊

**○**

大夫出奔反以好曰歸

**○**

成十四年

衛孫林父自晉歸于衛是也以惡曰入齊公孫無知

弑襄公公子糾公子小白不能存出亡

**○**

子糾奔魯

小白奔莒齊人殺無知而迎公子糾於魯公子小白  
不讓公子糾先入又殺之于魯故曰齊小白入于齊

惡之也

○惡烏路反

秋七月丁酉葬齊襄公○諸公子爭立國亂故危之

八月庚申及齊師戰于乾時我師敗績○不言及者主

名內之卑者乾時齊地

○釋曰桓十七年及齊師戰于郎註云

公親帥之諱故不言公此亦云及知非公者彼傳云不言敗為內諱也以其諱故知公也今經書敗傳又

不釋之故知是內之卑者

九月齊人取子糾殺之○言子糾者明其貴宜為君

○

**明**其貴。○釋曰：公羊云：其稱子糾何貴也？其貴奈何？宜為君也。是其貴故以子某稱之。如子般、子野之類。**外不言取**。○釋曰：取是內取，故外

外不言取者，謂楚人殺徵舒，慶封並不言取。此雖是何休之義，亦得通一家故并錄之。**言取病**

**內也取易辭也**。猶曰：取其子糾而殺之云爾。**猶言**

自齊之子糾今取而殺之言，魯不能救護也。○易以

十室之邑可以逃難，百室之邑可以隱死，以千乘之

魯而不能存子糾，以公為病矣。○難乃旦反，下註同，乘繩證反。

冬浚洙。○浚洙者，深洙也。著力不足也。**畏齊難**。○浚

深也。洙音殊。杜預云：水名。

十年春王正月公敗齊師于長勺

長勺魯地

○勺時酌反

**傳**不日疑戰也

**註**疑戰者言不剋日而戰以詐相襲

疑戰而曰敗勝內也

**註**勝內謂勝在內

二月公侵宋

**註**二月公侵宋。釋曰舊說以為公與宿盟宋方病宿故公侵之若此則是公之

無惡傳何惡公也公與宿盟經無其事為宿侵宋傳無其文是舊說妄也隱元年盟於宿范以為地是公

不與宿盟也但不知何為侵也

**傳**侵時此其月何也乃深其怨於齊

又退侵宋以眾其敵惡之故謹而月之

○惡鳥路反

三月宋人遷宿

**傳**遷亡辭也

**註**為人所遷則無復國家

故曰亡辭閔二年齊人遷陽亦是也

○復扶富反下文及註同

**疏**

**傳** 遷亡辭也。釋曰：春秋言遷有二種之例，一表亡辭者，此文是也；二見存亡國者，邢遷于夷儀是也。不於元年遷，紀發傳者，彼以紀侯賢，經變文以示義，非正故不發之。遷陽不發，從此省文也。遷文三起，例者此是亡辭之始，邢是復國之初，許獨自不月，故三發之也。范畧例云：凡遷有十亡，遷有三者，齊人遷陽，宋人遷宿，齊師遷紀是也。好遷有七者，邢遷夷儀，衛遷帝丘，蔡遷州來，許遷于葉，許遷于夷，許遷白羽，許遷容城是也。餘遷皆月許，四遷不月者，以其小略之如邑也。遷紀不月者，文承月下蒙之可知也。

**地宿不復見也**

**傳**

國亡不復見，經不言滅者，言滅則

殺其君，滅其宗廟社稷，就而有之不遷其民。

○見賢偏反

**遷者猶未失其國家以往者也**

**傳**

謂日遷者，僖元年

邢遷于夷儀，成十五年許遷于葉之類是也。彼二傳

曰遷者猶得其國家以往者也此傳云遷者猶未失

其國家以往互文也

涉反 葉舒

夏六月齊師宋師次于郎傳次止也畏我也

公敗宋師于乘丘

傳

乘丘魯地

乘繩

證反

不日疑戰也

疑戰而曰敗勝內也

秋九月荆敗蔡師于莘

傳

莘蔡地

莘所

以蔡侯獻武

歸傳荆者楚也何為謂之荆狄之也何為狄之聖人

立必後至天子弱必先叛故曰荆狄之也蔡侯何以

名也

傳

據傳十五年秦獲晉侯不名

依左氏作舞絕

之也何為絕之獲也中國不言敗註據宣十二年晉

荀林父帥師及楚子戰于邲晉師敗績不言敗晉師

○邲皮必反又扶必反一音弼敗績如字此其言敗何也中國不言敗蔡

侯其兒獲乎其言敗何也釋蔡侯之獲也以歸猶愈

乎執也註為中國諱兒執故言以歸○為于偽反

冬十月齊師滅譚譚子奔莒註桓十一年鄭忽出奔衛

傳曰其名失國也十六年衛侯朔出奔齊傳曰朔之

名惡也然則出奔書名有二義譚子國滅不名蓋無

罪也凡書奔者責不死社稷不言出者國滅無所出

也他皆放此

**說**

有二義。釋曰：禮言失地名成，鄭忽失國而名也。傳曰：朔之名，惡也。足

衛侯為惡而名，故云有二義。滅國無文，故註又云：諱子無名，蓋無罪也。雖無罪不名，以其不能死社稷，書

奔是  
譏也

十有一年春王正月

夏五月戊寅公敗宋師于鄆

**註**

鄆魯地

○敗必邁反下及註同鄆子移

反

**傳**

內事不言戰舉其大者其曰成敗之也

**註**

結日

列陳不以詐相襲得敗師之道故曰成也

○陳直

覲反

宋

萬之獲也

**傳**

宋萬之獲也。釋曰：傳言獲宋萬而經不書者，此時尚卑，故不書。反國為卿

始弑君是故書之。雖書以新升為卿，未賜族，故經不言。氏傳以為宋之卑者是也。

秋宋大水傳外災不書此何以書王者之後也高下有

水災曰大水

傳

高下云云○釋曰重發傳者嫌外災與內異也

冬主姬歸于齊傳其志過我也

○過古禾反

十有二年春王三月紀叔姬歸于鄒

傳

鄒紀邑也紀季

所用入于齊者紀國既滅故歸鄒國而曰歸此邑

也其曰歸何也吾女也失國喜得其所故言歸焉爾

江熙曰四年齊滅紀不言滅而言大去者義有所

見爾則國滅也叔姬來歸不書非歸寧且非大歸也

叔姬守節積有年矣紀季雖以鄒入于齊不敢懷貳

然襄公豺狼未可闔信桓公既立德行方宣於天下  
是以叔姬歸于鄫魯喜其女得申其志  
○見賢徧反  
豺仕皆反行

下孟  
反

夏四月

秋八月甲午宋萬弑其君捷捷宋閔公**傳**宋萬宋之

卑者也傳宋之卑者釋曰傳言宋之卑者解不  
稱氏之意與宋督同別於無知祝吁也

卑者以國氏及其大夫仇牧以尊及卑也仇牧閑也

**傳**仇牧扞衛其君故見殺也桓二年傳曰臣既死君

不忍稱其名今仇牧書名則知宋君先弑  
○牧音目  
扞曷曰反

殺殺流  
卷之五 二十五  
及古閣

**仇牧**閑也。○釋曰：復發傳者，孔父先君死，發傳以明閑此則後君死，故又發傳。荀息雖同復死之

例，但仇牧是卑者所殺，荀息為尊，卿殺之，故又發傳也。

**冬十月宋萬出奔陳**。宋久不討賊，致令得奔，故謹而

日之。○令力。弒君九年春始被殺，而經不書月，此

宋萬八月弒君，十月出奔，而云久不討賊，故謹而月

之者，以祝嘏書月傳云謹之，則此書月亦是謹之。可知也。然則無知既經三月齊人殺得之，故直書時，此宋人不能即討，令得奔，故謹而月之。

**十有三年春齊人宋人陳人蔡人邾人會于北杏**

杏，齊地。會于北杏。○釋曰：鄭釋廢疾數九會，則以

之會三說不同者，鄭以孔子云九合諸侯，北杏之會經無諸侯之文，故不數之。范以傳文直云衣裳之會。

不論諸侯多少北杏傳文齊侯宋公也故并以北杏  
數之范亦以傳文衣裳之會十有一兵車之會四故  
與鄭傳是齊侯宋公也其曰人何也始疑之何疑焉  
不同

桓非受命之伯也將以事授之者也註言諸侯將權  
時推齊侯使行伯事曰可矣乎未乎註邵曰疑齊桓

雖非受命之伯諸侯推之便可以為伯乎未也舉人

衆之辭也註稱人言非王命衆授之以事註舉人衆  
之辭也

○釋曰經不書某侯某侯云某人某人是衆授之  
辭也經以衆授為文明非王命是未得王命未可以  
為伯覆上未  
乎之意也

夏六月齊人滅遂傳遂國也其不日微國也

秋七月

冬公會齊侯盟于柯

**國**

柯齊地

○柯古河反

**傳**

曹劌之盟也

信齊侯也

**國**

曹劌之盟經傳無文蓋有信者也公羊

傳曰要盟可犯而桓公不欺曹子可讎而桓公不怨

桓公之信著於天下自柯之盟始

○劌居衛反要於遙反

**國**

曹

劌云云○釋曰傳云曹劌之盟也而註云經傳無文者謂曹劌與齊侯盟為信之事穀梁經傳不說也註又云蓋有信者也故即引公羊桓公為信之事以結之一解云經傳無文者不如公羊具說劌盟之狀也與前解少異耳大旨亦同要盟可犯而桓公不欺曹子手劍劫齊侯共盟使歸汶陽之田而齊侯亦還之是也曹子可讎而桓公不怨謂以臣劫君桓盟雖內是可讎也桓公終不罪曹子是不怨也

與不日信也。公盟例日外諸侯盟例不日桓大信

遠著故雖公與盟猶不日。與音預註同。

十有四年春齊人陳人曹人伐宋。齊人至伐宋。釋曰蓋同左氏背

北杏會故也。

夏單伯會伐宋。會事之成也。伐事已成單伯乃至

音善。會事之成也。釋曰此解經言會伐宋之。意以諸侯伐事已成而單伯始至故云會伐宋。

秋七月荆入蔡。荆者楚也。其曰荆何也。州舉之也。

州舉之也。釋曰麋信云楚子貪淫為息媯滅蔡。故州舉之是取左傳之說非也。十年傳云聖人立必

後至天子弱必先叛故曰荆狄之也則此亦與彼同耳

州不如國

言荆不如

言楚國不如名

言楚不如言介葛廬

音界

名不如

字

言介葛廬不知言邾儀父

冬單伯會齊侯鄭伯于鄆

鄆衛地

音鄆

復同會也

諸侯欲推以為伯故復同會于此以謀之

又復扶反

十有五年春齊侯宋公陳侯衛侯鄭伯會于鄆復同

會也

為欲推桓為伯故復會於此

復扶又反

為欲于偽反

復同會也。釋曰重發傳者諸侯至此方信齊桓故更發之也

夏夫人姜氏如齊婦人既嫁不踰竟踰竟非禮也

踰

**傳** 踰竟非禮也。○釋曰重發之者此非淫恐異故發傳同之

秋宋人齊人邾人伐郕

**國**

宋主兵故序齊上也班序上

下以國大小為次夷狄在下征伐則以主兵為先春

秋之常也他皆放此

鄭人侵宋

冬十月

十有六年春王正月

夏宋人齊人衛人伐鄭

秋荆伐鄭

冬十有二月會齊侯宋公陳侯衛侯鄭伯許男曹伯滑

伯滕子同盟于幽

幽宋地

滑于八反

同者有同也

同尊周也

**傳**

同者至周也。釋曰公羊傳云同盟者如同欲也。左傳云同盟于幽鄭成也。

此云同盟者同尊周也。見三傳意各異也。所謂同尊周也者諸侯推桓為伯使翼戴天子即是尊周之事。

不言公外內寮一疑之也

**傳**

十三年春會于北杏諸

侯俱疑齊桓非受命之伯欲其以事推之可乎今于

此年諸侯同其推桓而魯與齊讎外內同一疑公可

事齊不會不書公以著疑焉同官為寮謂諸侯也至

二十七年同盟于幽遂伯齊侯

寮一力彫反

**傳**

不言全之也。釋

曰舊解謂會于北杏不言諸侯是外疑也今此會不言公是內疑之也自此以後外內不復疑之故自一疑也直據傳文事欲似然推尋范註必不得爾何者註云外內同一疑公可事齊不會不書公以著疑焉何指北杏與此為一疑也故今更別說言此會公實與之而經不言公者外內察一疑之察謂諸侯也言外內諸侯同一疑公不知可事齊乎不可事齊乎故云公以著疑也云外內者諸侯之國或遠或近故以外內總之也若然十三年公會齊侯盟于柯所以云公者彼柯盟曹劇要齊歸魯汶陽之田非事齊之事縱與之盟不足為恥也此幽盟欲推齊為伯與其尊事之魯既與齊為讎又內外一疑故經不言公以示意也

邾子克卒

傳

其曰子進之也

註

附齊而尊周室王命進

其爵

十有七年春齊人執鄭詹詹者廉反人者眾辭也以人執與之

辭也

**與令相執**

○詹者廉反令力呈反

鄭詹鄭之卑者

**齊**

人至卑者。釋曰稱人者眾所欲之辭故云與之謂

與齊得執也知鄭詹是鄭之卑者大夫卑者以國民

今經直云鄭詹故知卑者也然則卑者可知而重發

傳者嫌有罪去氏也知非有罪去氏者外大夫身有

罪例不去氏即祭仲之類是也卑者不志此其志何

宛所以去氏者為貶鄭伯也

也以其逃來志之也逃來則何志焉將有其末不得

不錄其本也○未謂逃來鄭詹鄭之佞人也

夏齊人殲于遂

**殲者盡也**然則何為不言遂人盡齊

○定反

人也無遂之辭也無遂則何為言遂其猶存遂也

**齊**

以其能殺齊戍故若遂之存○殲子廉反盡也存遂

奈何曰齊人滅遂使人戍之遂之因氏飲戍者酒而

殺之齊人殲焉此謂狎敵也○狎猶輕也反狎戶甲

反

秋鄭詹自齊逃來○逃義曰逃齊稱人以執是執有

罪也執得其罪故曰義也今而逃之是逃義也

冬多麋○京房易傳曰廢正作淫為火不明則國多麋

○麋亡悲反○京房云云釋曰火不明者謂五行與

不明猶言視與禮不明也

受孔充

卷之五 三十

及古閣

十有八年春王三月日有食之傳不言日不言朔夜食

也何以知其夜食也曰王者朝日禮王制曰天子玄

冕而朝日於東門之外故日始出而有虧傷之處是

以知其夜食也何休曰春秋不言月食日者以其無

形故闕疑其夜食何緣書乎鄭君釋之曰一日一夜

合為一口今朔日始出其食有虧傷之處未復故

知此自以夜食夜食則亦屬前月之晦故穀梁子不

以為疑○朝直遙反禮記玉藻文而云王制者謂

王者之法制非謂五制之篇也此魯事而輒言天子朝日者言王者朝日所以顯諸侯朝朔也天子朝日

於東門之外服玄冕其諸侯則玉藻云皮弁以聽朔  
於太廟與天子禮異其禮異皆早且行事而昨夜有  
虧傷之處尚存故知夜食也徐邈云夜食則星無光  
張靖策廢疾云立八尺之木不見其影竝與范意異  
也故雖為天子必有尊也貴為諸侯必有長也故天

子朝曰諸侯朝朔

○長丁  
丈反

夏公追戎于濟西傳其不言戎之伐我何也以公之追

之不使戎邇於我也傳

邇猶近也不使戎得逼近於

我故若入竟望風退走

○濟子禮反濟水名邇如字  
邇近也一本作介音界亦近

也竟  
音境

于濟西者大之也何大焉為公之追之也

言

戎遠來至濟西必大有徒眾以公自追之知其審然

○為于  
偽反

秋有蠶

蠶短狐也

蓋舍沙射人京房易傳曰忠臣進

善君不識厥咎國生蠶

○蠶本亦作蠶音或短狐本草謂之射工射人食亦反下

交

○秋有蠶○釋曰洪範五行傳云蠶如鼈三足

同

生於南越南越婦人多淫故其地多蠶也陸璣

毛詩義疏云蠶短狐一名射影在江淮水中人在岸上影見水中投人影則殺之故曰射影或謂舍沙射

人入人皮肌其瘡如疥范引京房易傳則與五行傳說異又云蓋舍沙射人與陸璣說或同也

一有一亡曰有蠶射人者也

○亡音無  
又如字  
一有一

釋曰舊解一有南越所生是也一亡魯國無是也今以為一有一亡曰有者謂或有有時或有無時言不常也故書曰有若螟螽之類是常有之物不言有也二十七年云多麋者魯之常獸是歲偏多故書多也

螟螽不言多者螟螽是微細之物不可以數言之  
不言多也又每年常有不得言有也所以異於蜚

奧糜

冬十月

諸暨圖書館  
ZHUJI LIBRARY

諸暨圖書館  
ZHUJI LIBRARY

春秋穀梁註疏莊公卷第六

十九年至三十一年盡閔二年

晉范甯集解

唐楊士勛疏

十有九年春王正月

傳本或分此以下為莊公與閔公同卷

夏四月

秋公子結媵陳人之婦于郵遂及齊侯宋公盟

事也不志此其志何也辟要盟也

**註**

魯實使公子結

要二國之盟欲自託於大國未審得盟與不故以媵

婦為名得盟則盟不則止此行有辭也

媵以證反又繩證反爾

雅云送也要盟也。○釋曰文十六年季孫於遙反註同。○行父會齊侯于陽穀齊侯弗及盟此若齊宋不許亦當云弗及盟而云辟要盟也者彼以行父失辭又無媵事故云弗及盟此有媵事若齊宋不許則直書媵事而已故云辟要盟也。何以見其辟要盟也。媵禮之輕

者也。盟國之重也。以輕事遂乎國重無說。○以輕遂

重無他異說故知辟要盟耳。○見賢編反。其曰陳人之婦

略之也。○但為遂事假錄媵事耳故略言陳人之婦

不處其主名。○為于偽反。○但為至主名。○釋曰假錄媵事者媵是小事不合書經

今既書之故云假非謂無媵事也不處其主名者謂不言陳侯夫人而云陳人之婦是不處其主名也。

其不日數渝惡之也。○數音朔。○烏路反。○數渝惡之也。○釋曰數疾也謂秋

其盟冬而見伐變盟之疾故不書日以惡之也或以為數渝為今冬伐我西鄙明年齊又伐我故云數理亦通也

夫人姜氏如莒傳婦人既嫁不踰竟踰竟非正也傳

踰竟。釋曰重發傳者嫌此適異國恐別故發傳以同之

冬齊人宋人陳人伐我西鄙傳其曰鄙遠之也其遠何

也不以難通我國也○難乃且反邇如字本又作介音界

二十年春王二月夫人姜氏如莒傳夫人比年如莒過

而不改無禮尤甚故謹而月之○莒音舉婦人既嫁不

踰竟踰竟非正也傳不踰竟○釋曰重發傳者比再如莒失禮之甚故詳之

夏齊大災

其志以甚也

外災不志甚謂災及人也

外災例時

其志以甚也。釋曰：范例云：災有十

內則書曰：新宮御廩之類是也。其外則時者則宋大

水齊大災之等是也。昭十八年不書時以四國同日

故也。其外災志者皆發傳。故十一年宋大水傳曰：王

者之後也。襄九年宋災嫌火與水異傳曰：故宋也。宣

秋七月

冬齊人伐我

二十有一年春王正月

西... 齊... 伐... 王... 正月... 二十有一年... 春... 王... 正月...

夏五月辛酉鄭伯突卒

秋七月戊戌夫人姜氏薨傳婦人弗目也傳鄭嗣曰弗

目謂不目言其地也婦人無外事居有常所故薨不

書地僖元年傳曰夫人薨不地此言弗目蓋互辭爾

定九年得寶玉大弓傳曰弗目蓋也蓋此類也江熙

曰文姜有弑公之逆而弗目其罪弗目謂不題目文

姜薨所也一曰弗目其罪傳婦人弗目也釋曰

不地之例此復發傳者嫌有罪去地故發之也不曰

夫人而言婦人者以文姜失夫人之道故經書薨傳

以婦人言之或是經無變文蓋傳通言之無異意也

人薨與常例  
不異是也

冬十有二月葬鄭厲公

二十有二年春王正月肆大眚傳肆失也眚災也易

稱赦過宥罪書稱眚災肆赦經稱肆大眚皆放赦罪

人蕩滌衆故有時而用之非經國之常制○肆音四  
眚所景反

宥音又易稱云云釋曰肆失也眚災也言肆

滌音狄大眚者謂放失大罪惡災猶罪惡也言放

失大罪惡明小惡亦赦之也易稱赦過宥罪者解卦

辭也象曰雷雨作解君子以赦過宥罪解卦坎下震

上震為雷坎為雨雷動雨下而萬物解散故君子以

此卦象而放赦罪人書稱眚災肆赦舜典文孔安國

云眚過災害肆緩也過而有害當緩赦之此傳云肆

失也則亦緩之類以經稱肆大眚故以眚為災也尚

書青災連文故孔氏以青為過其大意亦不異也

**註**蕩滌衆故。釋曰傳為嫌天子之葬也者二事相

須註以肆大眚不可特為夫人故云蕩滌衆故傳言原魯所以肆大眚者為嫌天子之葬也故註與傳兩

言**災紀也失故也****註**災謂罪惡紀治理也有罪當

理之今失之者以文姜之故為嫌天子之葬也**註**文

姜罪應誅絕誅絕之罪不葬若不赦除衆惡而書葬

者嫌天子許之明須赦而後得葬○為于偽反

癸丑葬我小君文姜**傳**小君非君也**註**不治其民其曰

君何也以其為公配可以言小君也

陳人殺其公子禦寇**註**禦寇宣公之子○禦魚呂反又作御**傳**言

公子而不言大夫公子未命為大夫也其曰公子何也公子之重視大夫也視此命以執公子大夫既

命得執公子之禮一本大夫命以視公子

夏五月

以五月首時甯所未詳

何休云

夏五月。釋曰。何休云。讖莊公娶

讖女不可以事先祖猶五月不宜以首時。杜預云。莊公獨稱夏五月者疑謬誤也。范以二者皆無憑故云甯所未詳也。

甯所未詳也

秋七月丙申及齊高侯盟于防不言公高侯伉也

書日則公盟也高侯驕伉與公敵體恥之故不書公

○侯音奚。書日至書公。釋曰。微者盟例不日。侯苦浪反。及宋人盟于宿是也。此既書日明公在

可知知非卿者若卿則與高侯敵何以直言及故  
非卿也公及莒人盟于包來言公者彼稱人是與  
之辭故可以言公此若云公及高侯則高侯得敵  
故不言公也公會楚公子嬰齊不沒公者彼以前驕  
先後服罪故不去  
公以見別意也

冬公如齊納幣傳納幣大夫之事也禮有納采傳采擇

女之德性也其禮用鴈為贄者取順陰陽往來音至贄

有問名傳問女名而卜之知吉凶也其禮如納采有

納徵傳徵成也納幣以成婚傳有納徵釋曰此

而云納徵者以士婚禮有納徵傳有告期傳告迎期迎

魚敬反四者備傳四者備釋曰士婚禮下達之後

禮此傳不云納吉者直舉四者足以譏公故略而後  
納吉不言之或以為諸侯與士禮異者非也

**娶禮也公之親納幣非禮也**  
**傳**曰納幣非禮是譏喪

娶而註云傳無譏文者傳上云公之親納幣非禮不  
云喪娶之事故云無譏文也然宣元年貶夫人去氏

此則全無譏者彼以夫人不能以禮自固故與有貶  
仍未是貶公之事故彼註云不譏喪娶者不待貶絕

而罪惡自見是也  
**故譏之**  
**傳**公母喪未再朞而圖婚傳無譏

文但譏親納幣者喪婚不待貶絕而罪惡見  
○見賢編反

**二十有三年春公至自齊**  
**傳**七年傳云桓會不致此與

下文觀社皆書公至自齊者公羊傳云桓會不致此  
何以致危之也徐邈亦云不以禮行故致以見危范

此雖無註下云公怠棄國政此行犯禮憂危甚矣則  
亦以二者為憂危致之也若然定八年傳稱致月危

致也下傳云致月有懼焉爾此若致以見危所以不月者以二者皆非禮而行不假書月危懼可知傳以危而不月嫌與例乖故發傳詳之或以爲二者皆非禮之行與好會異故致之非是見危理亦通也

### 祭叔來聘

祭叔天子寰內諸侯叔名

音縣又音環

**范**

祭叔來聘。釋曰范云祭叔天子寰內諸侯叔名則范意將此祭叔與隱元年祭伯同是畿內諸

侯而此云來聘彼傳責其不稱朝者祭伯者祭國伯

爵也寰內諸侯時不爲王之卿大夫欲外交鄰好而

來通魯以其無王命故不得言聘不仕王朝故得責

其不稱朝也今祭叔見是天子大夫而恣意任情欲

外接諸侯雖請王命非王本心故不稱使見其擅命

言聘表其請王猶左氏公子翬強請故得書經而去

其族也案隱元年註云祭伯畿內大夫有采地者既

有采地則似祭伯亦仕王朝者以祭伯本爲人仕王

朝故畿內授地今雖不仕亦得以大夫言之或以爲

祭叔亦無王命以是天子大夫假王命而來魯受其

聘故得書聘以本非王命故不稱使也祭伯雖是天  
 子卿大夫欲同諸侯之例而來朝魯以不奉王命故  
 不得稱聘寰內諸侯不合外交故亦不得云朝是亦  
 得通一家也徐邈云祭叔為祭公使賄徐意以祭叔  
 為祭之大夫也范以叔為名似同  
 徐說但舊解不然故今亦同之

天子之內臣也不正其外交故不與使也  
 何休曰

南季宰渠伯糾家父宰周公來聘皆稱使獨于此奪

之何也鄭君釋之曰諸稱使者是奉王命其人無自

來之意今祭叔不一心於王而欲俸交不得王命來

故去使以見之  
○去起呂反  
 見賢徧反

夏公如齊觀社  
 常事曰視  
 視朔是也非常曰觀

○非常曰觀。釋曰復發傳者嫌觀魚觀社異故發之也春秋之例常事不書視朔既書而范云常事謂視朔者視朔之禮實是常事但公廢之即為非常故書之觀無事之辭也言無

朝會之事○朝直遙反下同以是為尸女也○尸主也主為

女往爾以觀社為辭○主為子偽反無事不出竟

公至自齊傳公如國陳公行例往時正也國正謂無危

懼也皆放此致月故也如往月致月有懼焉爾

荆人來聘傳善累而後進之其曰人何也舉道不待再

國明聘問之禮朝宗之道非夷狄之所能故一舉而

進之傳善累云云。釋曰不言楚人而云荆人者稱州不若國楚既新進若稱國繫人嫌其

大褒故直舉州稱  
人言聘以進之

公及齊侯遇于穀傳及者內為志焉爾傳內為志焉爾傳釋曰重

發傳者公為淫如齊  
嫌異於常故重發之  
遇者志相得也

蕭叔朝公傳蕭叔朝公傳釋曰書名者附庸常例儀

之則叔名也重發傳  
者嫌名字異故也  
微國之君未爵命者其不言來

於外也傳言於穀朝公也朝於廟正也於外非正也

秋丹桓宮楹傳楹柱傳禮天子諸侯黝堊傳黝堊黑色

○黝於糾反又於柳反註同堊烏路反又傳黝堊  
烏各反范云黝堊黑色案黝黑也堊白土傳黝堊  
釋曰徐邈曰黝黑柱也堊白壁也謂白壁而黑柱今  
范同以黝堊為黑色者以此傳為丹楹而發何得有

壁事而在其間  
故同為黑色也  
大夫倉士黻  
**黻** 黻黃色  
○黻他苟反  
黃色也麋氏

云張  
斗反  
丹楹非禮也

冬十有一月曹伯射姑卒  
射音亦  
本或作亦

十有二月甲寅公會齊侯盟于扈  
**扈** 桓盟不日此盟日

者前公如齊觀社傳曰觀無事之辭以是為尸女也

公怠棄國政此行犯禮憂危甚矣霸主降心親與之

盟實有弘濟之功而魯得免於罪臣子所慶莫重於

此時事所重文亦宜詳故特謹日以著之  
音戶  
**疏** 桓

盟至著之。釋曰公羊傳云桓盟不日此何以日危  
之也今范知喜得霸主與盟故詳而日之者傳雖有

桓盟不日信之文亦有不日數渝惡之事又葵丘以極美齊桓而書日故知此間書日喜霸者與盟也此時齊桓威德既盛與公結盟實有弘濟之功何得為有危事故范以臣子所慶文亦宜詳也

二十有四年春王三月刻桓宮栒傳禮天子之栒斲之

礪之加密石焉傳以細石磨之也刻音克栒音角椽也方曰栒圓曰椽斲

丁角反削也礪之力公反磨之諸侯之栒斲之礪之大夫斲之士斲

本刻栒非正也夫人所以崇宗廟也取非禮與非正

而加之於宗廟以飾夫人非正也傳非禮謂娶讎女

非正謂刻栒丹楹也本非宗廟之宜故曰加言將親

迎欲為夫人飾又非正也傳迎魚敬傳又非正也反下皆同傳釋曰娶讎

女刻桷兩事俱非故曰又也或以爲又者并謂崇飾  
夫人理亦通也所以不直言非禮云又非正者見莊  
有二種之惡故非禮非正兩舉之也刻桓宮桷丹桓宮楹斥言桓宮以

惡莊也也不言新宮而謂之桓宮以桓見殺於齊而

飾其宗廟以榮讎國之女惡莊不子也惡鳥路也不

言新宮。釋曰新宮桓公之宮以是禰宮不忍斥之  
故謂之新宮今惡莊公不子故斥言桓宮以見非正

也

### 葬曹莊公

夏公如齊逆女傳親迎恒事也不志也親迎至不志

傳云其不言公何也非成禮於齊也似不成禮於齊  
即合志而此云常事不志者彼亦是非禮而書就書

之中更自別見言逆婦既書於經所以不此其志何云公者為成禮於齊故變文與莊公異也

也不正其親迎於齊也

秋公至自齊傳迎者行見諸舍見諸傳諸之也言瞻望

夫人乘車

○乘繩證反

先至非正也

八月丁丑夫人姜氏入傳哀姜傳入者內弗受也疏傳入

者內弗受也。釋曰重發傳者嫌夫人與他例異故也。日入惡入者何用不

受也以宗廟弗受也其以宗廟弗受何傳仇人子

弟以薦舍於前其義不可受也傳薦進舍置○惡鳥路反一

音如

子

戊寅大夫宗婦覲用幣

**禮記**

宗婦同宗大夫之婦

○覲徒歷反見

也

**禮記**

○覲用幣。釋曰舊解不言見而言覲覲者私事大夫公然行之故言覲以明其私也見者正

也故會于沙隨云不見公傳曰可以見公而不見譏在諸侯也見覲與見別也今以為不然者三傳之文

並不云覲見事別何得言私為覲正為覲見也禮見乎恐別有案據遂存之以示疑耳

大夫不見夫人

**禮記**

大夫不見夫人。釋曰既云不

幣非禮之意也言男子之贄羔鴈之等婦人之贄棗栗之類欲見俱不得用幣不言及不正

其行婦道故列數之也男子之贄羔鴈雉膳

**禮記**

贄所

以至者也上大夫用羔取其從羣帥而不黨也下大

夫用鴈取其知時飛翔有行列也士冬用雉夏用膳

取其耿介交有時別有倫也。踞腊也。雉必用死為其

不可生服也。夏用踞備腐臭也。○數色主反。踞其居反。腊也。乾雉也。士夏

執之備腐臭也。說文云：北方謂鳥腊曰踞。傳曰：堯腊舜始。腊別彼列反。為于偽反。腐符甫反。婦人

之贅。棗栗鍛脩。○棗取其早自矜。莊栗取其敬。栗鍛

脩取斷。斷自脩整。○鍛丁亂反。脯也。鍛而加薑。桂曰脩。脩飾本。或作勑。同。恥力反。一本

作飾申職反。或用幣非禮也。用者不宜用者也。大夫

國體也。○國體謂為君股肱。肱古弘反。而行婦道惡

之故謹而月之也。○惡烏路反。

大水

戎侵曹曹羈出奔陳

**○**曹羈出奔陳。釋曰：公羊以爲曹羈是曹大夫。諫不

從而去之也。杜預註：在傳以爲羈是曹之世子。此

赤

歸于曹郭公

**○**赤歸于曹郭公。釋曰：薄氏駁云：赤若是諸侯不能治國舍而歸曹應

年之微者若是微者則例所不書何得以微者爲警

二事俱滯而范從之者凡諸侯出奔其國者或爲人所滅或受制強臣迫逐苟免然後書出今郭公在國

不被迫逐往曹事等如歸故以易辭言之不得云出

奔也凡內大夫未得命者例但書名若使赤直名而無所繫則文同俠等故又云郭公

也徐乾之說理通故范引而從之 **○**赤蓋郭公也何

爲名也禮諸侯無外歸之義外歸非正也 **○**徐乾曰

郭公郭國之君也名赤蓋不能治其國舍而歸于曹

君為社稷之主承宗廟之重不能安之而外歸他國

故但書名以罪而懲之不直言赤復云郭公者恐不

知赤者是誰將若魯之微者故也以郭公著上者則

是諸侯失國之例是無以見微之義  
○羈居宜反郭公左氏如字公

羊音疏舍音捨懲直升反復扶又反著張慮反又張畧反見賢徧反

二十有五年春陳侯使女叔來聘  
音汝女氏叔字

其不名何也  
據成三年晉侯使荀庚來聘稱名天

子之命大夫也  
天子之命大夫也。釋曰言命大夫即是單伯之等故知叔是字

祭仲無文釋故知仲是名也

夏五月癸丑衛侯朔卒

惠公也犯逆失德故不書葬

六月辛未朔日有食之鼓用牲于社

言日言朔食正朔也鼓禮也用牲非禮也天子救日置五麾陳五兵

五鼓麾麾旌幡也五兵矛戟鉞楯弓矢

麾毀為反幡芳元反不

亡侯反鉞音越楯時準反又音允

諸侯置三麾陳三鼓三兵大夫擊

門士擊柝言克其陽也

凡有聲皆陽事以壓陰氣

柝兩木相擊克實也

柝吐洛反壓於甲反又於涉反

鼓用至陽也釋

日彙范三十年註云救日用牲既失之矣非正陽之月而又伐鼓亦非禮今伐鼓於建巳之月故曰禮也用牲非常故云非禮也五麾者麋信云各以方色之旌置之五處也五兵者徐邈云矛在東戟在南鉞在

西楯在北弓矢在中央麋信與范數五兵與之同是相傳說也五鼓者麋信徐邈竝云東方青鼓南方赤鼓西方白鼓北方黑鼓中央黃鼓案五兵兵有五種未審五鼓是一鼓有五色為當五種之鼓也何者周禮有六鼓雷鼓靈鼓路鼓鼗鼓磬鼓晉鼓之等若以為五種之鼓則不知六鼓之內竟去何鼓若以為一種之鼓則不知六鼓之內竟取何鼓又周禮云雷鼓鼓神祀則似救日之鼓用雷鼓但此用之於社周禮又云靈鼓鼓社稷祭則又似救日食之鼓用靈鼓進退有疑不敢是正故直述之而已檢麋徐兩家之說則以五鼓者非六鼓之類別用方色鼓而已諸侯三者則云降殺以兩去黑黃二色是非六鼓之類也下云大夫擊門士擊柝則此陳五鼓亦擊之也但擊之時陳列於社之塋域因五兵五麾是陳故亦以陳言之非謂直陳而不擊也

伯姬歸于杞傳其不言逆何也逆之道微

傳逆之道微。釋曰

重發傳者紀伯姬釋不稱使之微此解不言逆之微故別發傳無足道焉爾

秋大水鼓用牲于社于門國門也高下有水災

曰大水既戒鼓而駭衆用牲可以已矣救日以鼓兵

救水以鼓衆高下云云。釋曰重發之者此有

鼓駭衆者謂既警戒擊鼓而駭動衆人則用牲可以已矣知不合用牲者用者不宜用故知不合也又云救日以鼓兵者謂伐鼓以責陰陳兵示禦侮救水以鼓衆者謂擊鼓聚衆也皆所以發陽也

冬公子友如陳

二十有六年春公伐戎

夏公至自伐戎

曹殺其大夫言大夫而不稱名姓無命大夫也無命

大夫而曰大夫賢也為曹羈崇也徐邈曰于時微

國衰陵不能及禮其大夫降班失位下同於士故畧

稱人而傳謂之無命大夫也莒慶莒挈邾庶其邾快

皆特以事書非實能貴故畧名而已楚雖荆蠻漸自

通於諸夏故莊二十三年書荆人來聘文九年又褒

而書各國轉疆大書之益詳然當僖公文公之世楚

猶未能自同于列國故得臣及叔竝畧名惟屈完來

會諸侯以殊禮成之楚莊王之興為江漢盟主與諸

夏之君權行抗禮其勢彊于當年而事交於內外故  
春秋書之遂從中國之例夫政俗隆替存乎其人三  
后之姓日失其序而諸國乘間與之代興因詳畧之  
文則可以見時事之實矣秦爵伯也上據西周班列  
中夏故得稱師有大夫其大夫當名氏而文十二年  
秦術畧名蓋于時晉主魯盟而秦方敵晉則魯之于  
秦情好疏矣禮以飾情情疏則禮畧春秋所以畧文  
乎又吳札不書氏以成尊于上也宋之盟叔孫豹不  
書氏以著其能恭此皆因事而爲義

○爲曹于僞反  
挈女居反又女

加反快苦夬反夏戶雅反

**釋**

為曹羈崇也。釋曰

屈居勿反情好呼報反

**薄**

氏駁曰曹羈出奔經

無歸處曹自殺大夫何以知是羈也又云術之名為

晉貶秦然楚亦敵晉何以不畧而貶之又此註雖多

未足通崇之義徒引證據何益於此哉范荅之曰羈

曹之賢大夫也曹伯不用其言乃使出奔他國終於

受戮故君子愍之書殺其大夫即崇賢抑不肖之

義也案大夫出奔或書出不書入秦后子是也或書

入不書出蔡季是也更有闕漏非是一般何得以無

歸之文則怪其非羈也秦以交疏之故而畧其臣楚

與諸夏會同所以不畧也是范氏論崇曹羈之事也

曹羈二諫不從者是公羊之說也。徐邈至為義

○釋曰莒慶莒挈邾庶其邾快皆特以事書者謂莒

慶來逆女莒挈為魯所獲庶其邾快來奔於魯故書

以著罪是皆以事書之非能貴也秦稱師者僖二十

八年城濮之戰是也亦既稱師明當有大夫而秦術

無氏故知春秋所畧也又云吳札不書氏以成尊於

上者襄二十九年傳文謂進吳稱子許夷狄者不壹

而足不可復進其臣不書季札之氏所以成尊於上也叔孫豹不書氏以著其恭者襄二十七年傳文彼傳以溴梁之會諸侯在而不日諸侯大夫大夫不臣也意趙武恥之豹云者恭也是其恭故不書氏以見也

秋公會宋人齊人伐徐

冬十有二月癸亥朔日有食之

二十有七年春公會杞伯姬于洮

伯姬莊公女洮魯

地。洮他刀反。本或作桃。

夏六月公會齊侯宋公陳侯鄭伯同盟于幽

同者有

同也同尊周也

同者云云。釋曰同尊周也復發傳者前同盟于幽諸侯尚有疑

者今外內同心推桓為伯得專征伐  
之任成九合之功故傳詳其事也  
於是而後授之

諸侯也其授之諸侯何也齊侯得眾也桓會不致安

之也桓盟不日信之也信其信仁其仁

**信其信**

仁其仁

釋曰謂諸侯信齊桓之信仁齊桓之仁下文未嘗有  
歃血之盟是其信也未嘗有大戰是其仁也衣裳之  
會十有一者謂從北杏至葵丘也論語稱九合諸侯  
者貫與陽穀二會管仲不欲故去之自外唯九合也  
兵車之會四者洮鹹杜丘淮也不數侵蔡伐楚者以  
一者征伐非會故也鄭玄釋廢疾云自柯之明年葵  
丘以前去貫與陽穀固已九合矣則鄭意不數北杏  
自外與范註同也不數北杏所以得九合諸侯者先  
師所說不同或云去貫與陽穀與猶數也言數陽穀  
故得為九也或云葵丘會盟異時故分為二或取公  
子結與齊桓宋公盟為九故先師劉炫難之云貫與  
陽穀並非管仲之功何得去貫而數陽穀也若以葵

丘之盟盟會異時而數為二則首戴之會亦可為二也離會不數郵盟去公子結則唯齊宋二國之會安得數之二三之說竝無憑據故劉氏數洮會為九以數洮會為九兵車之會又少其一故劉以傳誤解之當云兵車之會三案洮會下亦無云兵車之會則傳文不應兩處皆誤是亦可疑也

會十有一未嘗有飲血之盟也信厚也

北杏十四年會郵十五年又會郵十六年會幽二十

七年又會幽僖元年會榿二年會貫三年會陽穀五

年會首戴七年會寧母九年會葵丘

丁反本亦作打寧如字又音甯毋音無又茂后反

也愛民也

丘十六年會淮於末年乃言之不道侵蔡伐楚者方書其盛不道兵車也此則以兵車會而不刑征伐

音咸牡

茂后反

秋公子友如陳葬原仲原仲陳大夫原氏仲字傳言

葬不言卒不葬者也外大夫例不書卒夫云云

釋曰葬亦不書止云例不書卒者以內大夫書卒尚不書葬况外大夫卒亦不書明不合書葬故云外大夫例不書卒欲見必不得書葬之意也不葬而曰葬諱出奔也言季

友辟內難而出以葬原仲為辭難乃也釋曰

范知辟內難而出者公羊傳以夫人哀姜淫於二叔此上傳亦云子般卒而公子慶父出奔則慶父之釁

季子素知季子出則殊其文入則貴之稱季子明其無罪故知辟難也

冬杞伯姬來

**歸寧**

莒慶來逆叔姬 **慶名也莒大夫也叔姬莊公女禮檀**

弓記曰陳莊子死赴於魯魯人欲勿哭繆公召縣子

而問焉縣子曰古之大夫束脩之間不出竟雖欲哭

之安得而哭之今之大夫交政於中國雖欲勿哭安

得而勿哭則大夫越竟逆女非禮也董仲舒曰大夫

無束脩之餽無諸侯之交越竟逆女紀罪之

○繆音穆縣音

竟音境焉於虔反餽巨愧反越竟本或作疆居良反  
**諸侯之嫁子於大夫**

主大夫以與之也君不敵臣來者接內也不正其接

內故不與夫婦之稱也也接內謂與君為禮也夫婦

之稱當言逆女也稱尺證反

杞伯來朝也杞稱伯蓋時王所紂也紂本又作黜勅律反

公會齊侯于城濮也城濮衛地也音卜

二十有八年春王三月甲寅齊人伐衛衛人及齊人戰

衛人敗績也於伐與戰安戰也也問在何處戰也處昌慮

反於伐云云。釋曰於伐與戰安戰也謂於伐衛之時兩都相與交戰問在何處戰也戰衛謂

在衛國之都也知國都者若在他所則應云地今不謂也故知衛都耳猶桓十三年戰于龍門為近不地

相似也

戰衛戰則是師也其曰人何也微之也何為微

之也今授之諸侯而後有侵伐之事故微之也其人

衛何也以其人齊不可不入衛也釋齊桓始受方伯

之任未能信著鄰國致有侵伐之事貶師稱人以微

之也人不可以敵于師師不可以與人戰故亦以衛

師為人衛非有罪衛小齊大其以衛及之何也以其

微之可以言及也其稱人以敗何也釋其稱人以

曰據桓十三年戰稱人敗不以師敗於人也釋人輕

而師重

夏四月丁未邾子瑱卒

瑱素 禾反

秋荆伐鄭傳荆者楚也其曰荆州舉之也

也。釋曰 荆州舉之

前書荆人來聘聘是善事故進之 今伐中國不足可衰故州舉之也

公會齊人宋人救鄭傳善救鄭也

冬築微國

微魯邑 氏作麋

微左

山林藪澤之利所以與民

共也虞之非正也

國虞典禽獸之官言規固而築之

又置官司以守之是不與民共同利也築不志凡志

皆譏也築例時

藪素 后反

國虞之非正也。釋曰成 十八年築鹿囿此築邑竝

以虞之非正也者彼直築囿以虞之此築邑置官司 以虞之囿邑既殊俱是虞之非正故再起傳例。

國

虞典至例特。釋曰周禮澤虞掌田獵之事左傳皮冠以招虞人是虞人典禽獸之官也知築不志凡志皆譏也者三十一年築臺于秦傳曰君子色之故謹而志之也知志則譏也此年與三十一年春築臺于郎秋築臺于秦皆不書月是例時

大無麥禾

傳

大者有顧之辭也

釋曰經言大無麥

禾者謂一災不書待冬無禾然後并錄無麥故經稱大而傳云有顧之辭也顧猶待也徐邈云至冬無禾於是顧錄無麥其意亦謂待無禾然後顧錄無麥故云大是也莊七年秋大水無麥苗此經不言大水者彼傳云麥苗同時也是麥與黍稷之苗同時為水而死故繫大水言之此至冬始書大無麥禾則禾之死未必繇夫水故不繫之徐邈云不言水旱者麥禾自死不繇水旱是也或以為言無禾則大水可知故省文若然七年何以不省文而言大水不言饑者舊解以為下傳云不書如為內諱則此不言饑是諱也或

當雖無麥禾得臧孫之告糴不至饑也於無禾及無麥也一災不書

於冬無禾而後顧錄無麥故言大明不收甚

臧孫辰告糴于齊臧孫辰魯大夫臧文仲糴音狄國

無三年之畜曰國非其國也一年不升告糴諸侯告

請也糴糴也不正故舉臧孫辰以為私行也為內

諱故不稱使使若私行畜勑六反下同為內于偽反下文為內同國無

九年之畜曰不足無六年之畜曰急無三年之畜曰

國非其國也諸侯無粟諸侯相歸粟正也臧孫辰告

糴于齊告然後與之言內之無我交也古者稅什一

**宣十五年** 註詳矣

○稅始銳反什一十而稅一

**宣十五年** 註詳矣

曰彼傳云古者什一註云一夫一婦佃田百畝又受

田十畝以為公田公田在內私田在外此一夫一婦

為耕一百一十畝也八家共一井

之田餘二十畝者以為廬舍是也 **豐年補敗** 敗謂

凶年不外求而上下皆足也 **豐年補敗** 敗謂

也 **雖累凶年民弗病也一年不艾而百姓饑** 一

艾○釋曰麋 **君子非之不言如為內諱也** ○艾牛

信云艾穫也 **君子非之不言如為內諱也** ○艾牛

**二十九年春新延廡** 春新延廡○釋曰不言作者僖

有如其度也彼謂加其度更增大 **延廡者法廡也**

之故云作此直改新故不言作 **延廡者法廡也**

**周禮天子十二閑馬六種邦國六閑馬四種每廡**

之故云作此直改新故不言作 **延廡者法廡也**

**周禮天子十二閑馬六種邦國六閑馬四種每廡**

**周禮天子十二閑馬六種邦國六閑馬四種每廡**

一閑言法廢者六閑之舊制也

之勇反下皆同

**禮**

禮至舊制。釋曰自每廢一閑以上周禮校人有其事馬六種者彼校人云辨六馬之屬種馬一物戎馬

一物齊馬一物道馬一物田馬一物駑馬一物是也

鄭云玉路駕種馬戎路駕戎馬金路駕齊馬象路駕

道馬田路駕田馬駑馬給官中之役是天子六種之

馬分為左右廢故十二閑也彼又云邦國六閑馬四

種家四閑馬二種鄭玄云諸侯齊馬道馬田馬各一

閑駑馬則分為三大夫則田馬一閑駑馬分為三

天子十二閑馬六種其言新有故也言改故而新

邦國六閑馬四種也

之有故則何為書也古之君人者必時視民之所勤

民勤於力則功築罕**罕**民勤於財則貢

**罕**

罕呼且反

賦少民勤於食則百事廢矣

**凶**荒殺禮

殺所冬界反

築微春新延殿以其用民力為已悉矣

夏鄭人侵許

秋有蜚

**傳**

穀梁說曰蜚者南方臭惡之氣所生也象召

臣淫泆有臭惡之行

蜚扶味反

**傳**

一有 亡曰有

冬十有二月紀叔姬卒

**傳**

紀國雖滅叔姬執節守義故

繫之紀賢而錄之

**傳**

賢而錄之。釋曰內女嫁於大夫則不書卒為媵亦如之今

既書卒故知賢也

城諸及防

**傳**

諸防皆魯邑

**傳** 可城也

**傳**

可城也。釋曰左氏之例城

有時與不時隱七年傳云凡城之志皆譏也此云可城也者傳以得土工之節者則譏之淺失土功之時

者責之深故傳云可城也。不謂此城無譏也。以大及小也。傳例曰凡城

之志皆譏。今云可者謂冬可用城不妨農役耳。不謂

作城無譏

三十年春王正月

夏師次于成。次止也。有畏也。欲救鄆而不能也不言

公恥不能救鄆也。畏齊也。音齊。音章。

秋七月齊人降鄆。降猶下也。鄆紀之遺邑也。降戶

反。遐。妹。

八月癸亥葬紀叔姬。不日卒而日葬。閔紀之亡也。

九月庚午朔日有食之鼓用牲于社救日用牲既火

之矣非正陽之月而又伐鼓亦非禮

冬公及齊侯遇于魯濟濟水名禮反及者內為

志焉爾遇者志相得也及者至得也釋曰重發傳者齊為伯者嫌與諸

侯異也

齊人伐山戎齊人者齊侯也其曰人何也愛齊侯乎

山戎也不以齊侯敵乎山戎故稱人其愛之何也

桓內無因國外無從諸侯而越千里之險北伐山戎

危之也內無因緣山戎左右之國為內間者外無

諸侯者不煩役寮國

○從才用反內  
間間廟之間

則非之乎善之

也國遠伐山戎雖危勤王職貢則善何善乎爾燕周

之分子也國燕周大保召康公之後成王所封分子

謂周之別子孫也○燕音煙註及後同分扶問反又  
如字本或作介音界大音泰召上

照國燕周至孫也○釋曰燕是召康公之後成王  
反所封者世家文也分者別也燕與周同姓故知

別子國貢職不至山戎為之伐矣國言繇山戎為害伐

擊燕使之隔絕於周室○為之  
如字

三十有一年春築臺十鄰

夏四月薛伯卒

築臺于薛

**國**

薛魯地

六月齊侯來獻戎捷

**國**

獻下奉上之辭也春秋尊魯故

曰獻

捷在接反戎菽也捷獲也

**國**齊侯來獻捷者內齊侯也不

言使內與同不言使也

**國**

秦曰齊桓內救中國外攘

夷狄親倚之情不以齊為異國故不稱使若同一國

也

攘如羊反倚於綺反下文及註同

獻戎捷軍得曰捷戎菽也

**國**菽

豆

**國**齊侯至菽也。釋曰徐邈云齊還經魯界故使人獻捷不入國都而言來獻敬重霸主親而

內之也麋信亦云言內齊侯者解經稱來之意也范雖不註理亦合當然矣僖二十一年楚人使宜申來獻捷彼亦稱來者宜申止來鄉魯接公行禮故得稱來與齊侯異也又云不言使內與同者謂內齊侯與

同一國故不稱使也戎菽也者舊解謂順經意而惜齊侯故傳依違其文釋之為菽其實宋是中國故捷不繫國戎是夷狄故繫之戎也案管子云出戎菽及冬蔥布之天下則以戎為豆也故徐邈云今之胡豆也舊解以為依違其文恐失傳旨僖二十一年傳云其不曰宋捷何也不與楚捷于宋也范云據莊三十一年齊侯來獻戎捷據彼傳及註意則似不以戎為豆今疑不敢正故兩載之此書月彼不書月者徐邈云霸王服遠之功重故詳而月之也一解齊侯此時克山戎并得胡豆來故傳云戎菽謂克戎之菽齊侯此時并得戎菽於文亦僻也

秋築臺于秦秦魯地不正在罷民三時虞山林藪澤

六之利且財盡則怨力盡則懟懟志恨也

君子危之故謹而志之也或曰倚諸桓也桓外類反

怨類反也類反

無諸侯之變內無國事越千里之險北伐山戎為燕

辟地國辟開為于為反魯外無諸侯之變內無國

事一年罷民三時虞山林藪澤之利惡內也國譏公

依倚齊桓而與桓行異惡鳥路反

冬不雨國不得雨曰旱然則此云不雨者或當不雪也

危意亦未必然或當不言旱不為災也

三十有二年春城小穀國小穀魯邑

夏宋公齊侯遇于梁丘國遇者志相得也國遇者志相得也

釋曰重立傳者外與伯者遇嫌異故發之梁丘在曹邾之間去齊八百里

非不能從諸侯而往也辭所遇遇所不遇大齊桓也

**註**辭所遇謂八百里間諸侯必有願從者而不之遇

所不遇謂遠遇宋公也○從才用反或如字註同

秋七月癸巳公子牙卒註牙慶父同母弟何休曰傳例

大夫不日卒惡也牙與慶父共淫哀姜謀殺子般而

日卒何也鄭君釋之曰牙莊公母弟不言弟其惡已

見不待去日矣甯案傳例諸侯之尊弟兄不得以屬

通蓋以禮諸侯絕碁而臣諸父昆弟稱昆弟則是申

其私親也宣十七年公弟叔旉卒傳曰其曰公弟叔

盼賢之也然則不稱弟自其常例耳鄭君之說某所

未許

○見賢徧反去起呂甯所未詳○釋曰范反莽音期盼許乙反既引鄭君之說又云未

詳者范以僖十六年傳稱公弟叔仲賢也大夫不言公子公孫疏之也若牙實有罪則應去公子以見疏今書公子故云未詳也或申鄭君義云牙不去公子為親者諱然則鄭意若以為諱何得云其惡已見是鄭權荅何休之難不顧上下之理故范云未詳也公子季友卒不稱弟者季子雖賢兄已卒故也

八月癸亥公薨于路寢

**國**公薨皆書其所謹凶變**傳**路

寢正寢也寢疾居正寢正也男子不絕于婦人之手

以齊終也

**國**齊絜○齊側皆反本亦作齊**傳**以齊終也○釋曰齊者齊絜之名

故記稱齊之為言齊也是齊齊意同故范訓為絜或古者齊齊同字此傳齊即讀為齊理亦通也

冬十月乙未子般卒

**傳** 在喪故稱子般其名也莊公大

子不書弑諱也

**○**般音班  
大音奉

**傳**

○子般卒。釋曰公羊傳云其稱子般卒何也

君存稱世子君薨稱子某既葬稱子踰年稱公范意亦與之同但踰年雖在國稱公若未葬亦不得稱侯以接鄰國故桓十三年註云今衛宣未葬而嗣子稱侯以出其失禮明矣是其事也子般不書葬者未踰年之君例不書葬也

**傳**

子卒日正也

**傳**

襄三十一年秋

九月癸巳子野卒是也不日故也

**傳**

文十八年冬十

月子赤卒是也有所見則日

**傳**

閔公不書即位是見

繼弑者也故慶父弑子般子般可以日卒不待不日

而顯

**○**見則賢編反

公子慶父如齊

**同**

○公子慶父如齊。釋曰：牙與慶父同謀殺般，所以牙被殺，慶父得出奔。

者左氏公羊皆以為牙欲廢般，立慶父，故季子鳩殺之。穀梁不見季子歸魯之文，亦無鳩牙之事，則叔牙被殺以不可知也。**同**此奔也。其曰如何也。**同**據閔二年慶父

奔莒，不言如諱，莫如深深，則隱**同**

深謂君弑賊奔隱

之至也。故子般曰卒，慶父如齊**同**

**同**

諱莫如深。○釋曰：諱莫如深。

謂為國隱諱，莫如事之最深深者，則隱深謂君弑賊奔之深重，以其深重則為之隱諱。若經書子般曰卒，慶父如齊，是也。苟有所見，莫如深者，謂經意誠有所見，莫如事之深者，不書閔公即位，是事之深也。有所見，謂子般之弑。慶父之奔也。苟有所見，莫如深也。**同**閔公不書即位，見子般之弑，慶父出奔。

位見子般之弑，慶父出奔

秋伐邢

閔公

**位**魯世家閔公名開莊公之子惠王十六年即位諡法在國逢難曰閔世本作啟方辟漢景

帝諱故

為開也

元年春王正月

**繼弒君不言即位正也**

**繼弒君不言即位正也**

**繼弒君**

**正也**

**釋**

曰復發傳者以非父非君嫌異故發之僖公又發之

者兄之後弟義異故重發之文公繼正之始故發傳以明之成公不發傳者蒙之可知故不發也襄昭發傳者昭公即位承子野之卒嫌其非正故發傳以明之昭繼子野傳言繼正嫌襄公與之異故亦發傳父子同有繼正之文所以相發明也或以襄非嫡夫人之子嫌非正故發傳案襄四年夫人嬖氏薨彼註云成公夫人襄公母也明非為母賤而發傳也

之非父也

**兄也**

**尊之非君也**

**未踰年也**

**繼之如**

**親**

**未踰年也**

**繼之如**

**親**

**未踰年也**

**繼之如**

**親**

**未踰年也**

**繼之如**

**親**

君父也者受國焉爾

齊人救邢傳善救邢也傳善齊桓得伯之道

夏六月辛酉葬我君莊公傳莊公葬而後舉諡諡所以

成德也傳諡所以成德也釋曰復發傳者桓公被殺莊公好終備公葬緩嫌異禮故各發傳

以明於卒事乎加之矣

秋八月公及齊侯盟于洛姑傳洛姑齊地傳洛姑一

盟納季子也

季子來歸傳季子來歸釋曰傳云貴之也者不稱公子者公子是平常之總號季子忠賢為

國人所思故稱子所以表其賢也傳其曰季子貴之也傳大夫稱名

氏今日子是貴之也子男子之美稱○美稱尺證反其曰來

歸喜之也歸大夫出使歸不書執然後致不言歸國

內之人不曰來今言來者明本欲遂去同他國之人

也言歸者明實魯人也喜之者季子賢大夫以亂故

出奔國人思之懼其遂去不反今得其還故皆喜曰

季子來歸○使所大夫至來歸○釋曰此云大

父還自晉書者彼傳云還者事未畢也是還與歸意

異也執然後致不言歸者意如與婦是也國內之人

冬齊仲孫來○其曰齊仲孫外之也○魯絕之故繫之

于齊

○齊仲孫慶父也左氏以為齊大夫

其不目而曰仲孫疏之也

○

不目謂不言公子慶父其言齊以累桓也○繫仲孫

於齊言相容赦有罪

○累劣偽反

○

其言齊以累桓也釋曰傳解經言齊

仲孫有二種意故上文以外慶父釋之此又以累桓言之慶父魯人而繫之於齊是外之也齊桓容赦有罪故繫慶父於齊是惡之也

二年春王正月齊人遷陽

夏五月乙酉吉禘于莊公

○三年喪畢致新死者之主

於廟廟之遠主當遷入太祖之廟因是大祭以審昭

穆謂之禘莊公喪制未闋時別立廟廟成而吉祭之

不於大廟故詳書以示譏

禘從帝反大祖音泰下大廟同昭上饒反闕苦穴

反

**禮記**

三年至示譏

釋曰言禘於莊公卽是莊公立宮而不稱宮者莊公廟雖立訖而公服未除

至此始二十二月未滿三年故不得稱宮也此喪服未終舉吉以非之文三年亦喪服未終而大事于大

廟不言吉者其譏已明故不復云吉言大事者秋禘而物成其祀大故傳云大是事也著禘嘗是也凡祭

祀之禮書者皆譏故范畧例云祭祀例有九皆書月以示譏九者謂桓有二蒸一嘗總三也閔吉禘四也

僖禘大廟五也文著禘嘗六也宣公有事七也昭公

禘武宮八也定公從祀九也知禘是三年喪畢之祭

者此莊公薨未二十二月仍書吉以譏之明三年喪畢方得爲也知必於大廟者明堂位曰季夏六月以

禘禮祀周公於大廟是也其禘祀之月王肅杜預之

徒皆以二十五日除喪卽得行禘祭鄭玄則以二十

八月始服吉嘗卽禘於大廟明年春始禘於羣廟今

范云三年喪畢禘於大廟必不得與鄭明年春禘於

羣廟同其除喪之月或與鄭合故何休註公羊亦以除喪在二十七月之後也方者未至之辭此實二十二月而云方者莊公以三十二年八月薨至此年五月始滿二十二月未盡其月為禘祭故言方或可譏其大速以甚言之故云方也

**吉禘者不吉者也喪事未畢而舉吉**

**祭故非之也**

**傳**

莊公薨至此方二十二月喪未畢

秋八月辛丑公薨

**傳**

不地故也其不書葬不以討母葬

子也

**傳**

凡君弑賊討則書葬哀姜實被討而不書葬

者不以討母葬子

九月夫人姜氏孫于邾

**傳**

哀姜與弑閔公故出奔

○孫

本或作孫與音豫

**傳**

孫之為言猶孫也

**傳**

○孫之為言猶孫釋曰重發傳者

文姜殺夫哀姜殺  
子嫌異故重發之  
諱奔也

公子慶父出奔莒傳其曰出絕之也慶父不復見矣傳

慶父弑子般閔公不書弑諱之傳復扶又反傳其

見矣。釋曰宣十八年婦父奔齊范註云竟外故不

言出是竟內言出理之當也而云絕之也者慶父前

奔不言出書曰如齊為之隱諱是不絕其位之辭今

不諱言奔明是絕其位也又云慶父不復見者明弑

二君罪重不宜復見故特顯之矣

冬齊高子來盟傳其曰來喜之也其曰高子貴之也盟

立僖公也不言使何也傳據桓十四年鄭伯使其弟

禦來盟言使傳禦魚呂傳不以齊侯使高子也傳齊侯

反下同

不討慶父使魯重罹其禍今若高子自來非齊侯所得使也猶屈完不稱使也江熙曰魯頻弑君僖公非正也桓公遣高溪立僖公以存魯魯人德之不名其

使以貴之貴其使則其主重矣

○重直用反屬君勿反其使所吏反下同

**疏**

其曰至子也○釋以來者自外之常稱而云喜之者時魯二君見弑諸侯無一助之者而高子盟

以存之比之餘使情實過倍故傳序經之情明與凡常之來有異也云不以齊侯使高子也者二說不同者前說以齊侯不討慶父使魯重遭其禍不以齊侯使高子故作自來之文所以歸美於高子若楚人使屈完如師能量敵強弱遂與齊盟故不言使所以歸功於屈完也江熙之意以君臣一體好惡同之使貴則主尊故去使文以表高子之貴高子既貴則桓公之重益彰故不從前說也

十有二月狄入衛國僖公二年城楚丘以封衛則衛為

狄所滅明矣不言滅而言入者春秋為賢者諱齊桓

公不能攘夷狄救中國故為之諱○為賢于偽反下同

鄭棄其師傳惡其長也兼不反其眾則是棄其師也傳

長謂高克也高克好利不顧其君文公惡而遠之不

能使高克將兵禦狄于竟陳其師旅翱翔河上久而

不召眾將離散高克進之不以禮文公退之不以道

危國亡師之木○惡鳥路反註同長丁丈反兼戶謙反又如字好呼報反遠于萬反將子

近反竟音境傳惡其至師也○釋曰解經稱棄師

孰五羔反之意為惡高克不顧其君又責鄭人

不反其衆故經  
書鄭棄其師也

諸暨圖書館  
ZHUJI LIBRARY

臺南府

卷之二

...

善...  
不...  
其...  
...

諸暨圖書館  
ZHUJI LIBRARY



諸暨圖書館  
— ZHUJI LIBRARY —



諸暨圖書館  
— ZHUJI LIBRARY —